

Aningaasatigut kontonik nunanut allanut attuumassutilinnik kinaassutsimik uppernarsaasarneq nalunaaruteqartarnerlu pillugit Namminersorlutik Oqartussat nalunaarutaat

Akileraaruserinermik ingerlatsineq pillugu Inatsisartut inatsisaanni nr. 11, 2. november 2006-imeersumi kingullermillu Inatsisartut inatsisaatigut nr. 32, 28. november 2016-imeersukkut allanngortinneqartumi § 35 a naapertorlugu aalajangersarneqarpooq:

Kapitali 1 Nassuaatit

§ 1. Nalunaarummi uani naqinnernik angisuunik aallartiffillit kapitali manna naapertorlugu pingaaruteqassusiat malillugu paasineqassapput.

Aningaaserivik nalunaaruteqartoq

§ 2. Oqariartaaseq "ningaaserivik nalunaaruteqartoq" tassaavoq Kalaallit Nunaanni aningaaserivik.

Imm. 2. Oqariartaaseq "Kalaallit Nunaanni aningaaserivik" tassaavoq

- 1) aningaaserivik Kalaallit Nunaanniittooq, tamatumani pineqaratik aningaaseriviup pineqartup immikkoortortai Kalaallit Nunaata avataaniittut aammalu
- 2) aningaaseriviup immikkoortortaa Kalaallit Nunaanniittuunngitsup immikkoortortaa Kalaallit Nunaanni inissisimasoq.

§ 3. Aningaaserivik inatsisitigut oqartussaaffimmi peqataasumi, tassungalu ilanngullugu Kalaallit Nunaanni "angerlarsimaffeqarpooq", taanna inatsisitigut oqartussaaffimmi peqataasumi inatsisinik malinnittussaatitaappat, tassa imaappoq Inatsisitigut oqartussaaffeqarfik peqataasoq aningaaseriviup nalunaaruteqartussaatitaanera inatsisitigut aqutsivigisinnaagaa. Ataatsimut isigalugu aningaaserivik inatsisitigut oqartussaaffimmi peqataasumi akileraartarnikkut angerlarsimaffeqartoq tassani inatsisinik malinnittussaatitaavoq, taamaalillunilu inatsisitigut oqartussaaffimmi peqataasumi aningaaseriviulluni.

Imm. 2. Aningaasaateqarfik aningaaseriviusoq inatsisitigut oqartussaaffimmi peqataasumi akileraartarnikkut angerlarsimaffeqarnera apeqqutaatinngagu taassuma aqutsisua ataaseq arlallilluunniit inatsisitigut oqartussaaffimmi peqataasumi tassani angerlarsimaffeqarpata Inatsisigut oqartussaaffeqarfimmi peqataasumi inatsisinik malinnittussaatitaapput, kontot

nalunaarutigineqartussaatitaasut aningaasaateqarfimmit aqunneqartut aningaasaateqarfip kapitali 9 naapertorlugu nalunaarutigineqartussaatitaasut eqqarsaatigalugit paassisutissat tamaasa Inatsisitigut oqartussaaffimmut allamut nalunaarutiginnippagit, tassa taanna inatsisitigut oqartussaaffimmik allami tessani akileraartarnikkut angerlarsimaffeqarnera pissutigalugu.

Imm. 3. Aningaasaateqarfik eqqaassanngikkaanni aningaaserivik, assersuutigalugu akileraartarnikkut ersarissumik akileraaruteqartartutut imaluunniit inatsisitigut oqartussaaffimmik isertitatigut akileraarfiunngitsumi inisisimasutut isigineqarnini pissutigalugu akileraartarnikkut angerlarsimaffeqanngitsaq inatsisitigut oqartussaaffimmik inatsisinik malinnittussaasutut isigineqarpoq, taamaalillunilu Inatsisitigut oqartussaaffimmik peqataasumi aningaaseriviussaaq:

- 1) inatsisitigut oqartussaaffiup peqataasup inatsisai naapertorlugin nalunaarsorneqarsimaguni,
- 2) aqutsisut, tassungalu ilanngullugit aqutsisiit inatsisitigut oqartussaaffimmik peqataasumi angerlarsimaffeqarpata, imaluunniit
- 3) inatsisitigut oqartussaaffimmik peqataasumi aningaasaqarnikkut nakkutilliivigineqartussaatitaaguni.

Imm. 4. Aningaasaateqarfik eqqaassanngikkaanni aningaaserivik inatsisitigut oqartussaaffinni peqataasuni marlunni arlalinnilluunniit angerlarsimaffeqaruni aningaaserivik taanna aningaasatigut kontominik ataatsimik arlalinnilluunniit ingerlatsivigisaminut atatillugu nalunaartussaatitaanermi pisussaaffinnik aammalu peqqissaartumik periuseqarnissamik pisussaaffinnik inatsisitigut oqartussaaffimmik peqataasumi atuuttunik malinnittussaatitaavoq.

§ 4. Konto aningaaserivimmit ingerlanneqartutut ima isigineqassaaq:

- 1) aningaaserivimmi kontoppat, aningaaserivimmi kontomi pigisanik nalilinnik aqutsisumi, tassungalu ilanngullugu aningaaserivimmi aningaaserivimmi taamaattumi kontomik pigisalik sinnerlugu aningaaseriviuup nammineq aqqa malillugu pigisanik nalilinnik tigummisaqartumi konto imaaliallaannaq tiguneqarsinnaanngitsunik imalik.
- 2) aningaaserivimmi konto aningaaserivimmi aallaqqaasiutitut akiliutinut konto pillugu akiliisussaatitaasumi kontoppat, tamatumani pineqarnani aningaaserivimmi piginnaatitaaffeqartoq aammalu piginnaatitaaffeqartoq aningaaseriviugaluarpalluunniit.
- 3) aningaaserivimmi konto nammineq aningasaatit ilagippassuk imaluunniit aningaaserivimmi tessani aningaaserivimmi kontomi akiitsuppat.
- 4) aningaaserivimmi konto aningaaserivimmi isumaqtigiiissut pillugu akiliuteqarnissamik pisussaaffeqartumi aningaasanngorlugu nalilimmik sillimmasiinermik isumaqtigiiissutitaqarpat imaluunniit taarsigassarsiat assigiaartumik taarsorsorneqarnissaannik isumaqtigiiissutitaqarpat.

Imm. 2. Pappiaqqat aningaasanik nalillit pappiaqqat aningaasanik nalillit pillugit inatsimmi kapitali 21-mi nassuiarneqartut pappiaqqanik nalilinnik qitiusumik nalunaarsorsimaffianni nalunaarsorneqarsimasut aningaaserivik ataaseq arlallilluunniit aqqutigalugit pigineqartut eqqarsaatigalugit aningaaserivimmi kontot pineqartut aningaaserivinnit allanit taamaattunit pigineqartutut isigineqassapput, aningaaseriviuillu allat taamaattut aningaaserivimmi kontot taamaattut eqqarsaatigalugit nalunaarutigineqartussaatitaasunut sunulluunniit akisussaatinneqassallutik. Taamaattorli pappiaqqanik nalilinnik nalunaarsorsimaffik pineqartoq aningaaseriviit allat taamaattut sinnerlugit nalunaaruteqarnissamut akimmiffissaqartinneqanngilaq.

Imm. 3. Aningaasalersuisarfimmi piginnejqataassut inummit inunnilluunniit nalunaarutigineqartussaanngitsunit pigineqarpat aningaasalersuisarfik piginnejqataassut pillugu

nalunaaruteqartussaatitaanngilaq. Piginneqataassut aqutsiveqarfimmi aningaaserivimmi ingerlanneqartutut kontomi uninggaasutigineqarpat piginneqataassut aqutsiveqarfipalunaarut manna malillugu aningaaserivimmi pigisatut nalilittut ingerlatsivigissavaa.

§ 5. Oqaaseq "ningaaserivik" nalunaarummi matumani tassaavoq:

- 1) ingerlatsivik,
- 2) aningaasaleeqataasarfik,
- 3) aningaasaliisarfik imaluunniit
- 4) immikkullarissunut sillimmasiisarnermut ingerlatseqatigiiffik.

§ 6. Oqariartaaseq "aqutsiveqarfik" (custodial institution) tassaavoq immikkoortortaq ingerlatami annerpaartaani allat akilersugaannik Aningaasatigut nalilinnik pigisalik.

Imm. 2. Immikkoortortap isertitai tamarmiusut aningaasatigut pigisanik nalilinnik pigisaqnermeersuusinnaasut aammalu tassunga atatillugu aningaasalersuinermerik sullississutineersuusinnaasut piffissani matuma kinguliani allassimasuni Immikkoortortap isertitaasa tamarmiusut 20 pct.-iattut amerlatigippata imaluunniit taakkunannga amerlaneruppata Immikkoortortaq allat akilersugaannik aningaasatigut nalilinnik pigisaqarluni annerpaamik ingerlataqartutut isigineqassaaq.

- 1) piffissaq ukiuni pingasunik sivisussusilik ukioq aalajangiiffusooq sioqqullugu ulloq 31. december naasoq, imaluunniit
- 2) piffissaq immikkoortortap atuuffigisa.

§ 7. Oqariartaaseq "aallaqqaasiutitut akiliuteqartarfik" (depository institution) tassaavoq immikkoortortaq aningaaseriviup assigisaanilluunniit ingerlataqarfip nalinginnaasumik ilagisaatut akiliutinik akuersissuteqartartoq.

§ 8. Oqariartaaseq "ningaasalersuisarfik" (investment entity) tassaavoq immikkoortortaq:

- 1) ingerlatami ilaautut suliamik ataatsimik arlalinnilluunniit imaluunniit sullitaq sinnerlugu suliassanik matuma kinguliani allassimasunik ingerlataqartoq:
 - a) aningaasanik niuerfinnik niueqateqarneq, tassa imaappoq checkit, aningaasanik taarsiineq, akiliuteqarnermut uppernarsaasiissutit, aningaasalersuinikkut isumaqtigiiissutit il.il., allamiut aningaasaataannut taarsiinerit, aningaasanik niuernermi, ernialersuinermi aningaasanillu nalilersuinermi atortulersuutit, pappiaqqat nalillit tunineqarsinnaasut imaluunniit nioqqutissiassanut ulluni aalajangersimasuni akiliiffissat pillugit isumaqtigiiissutit,
 - b) pappialanik nalilinnik kisimiilluni peqatigiiuniluunniit aqutsineq, imaluunniit
 - c) aningaasatigut pigisanik nalilinnik imaluunniit inuit allat sinnerligit aningaasanik aningaasalersuinerit, ingerlatsinerit aqutsinerilluunniit allat imaluunniit
- 2) immikkoortortaq immikkoortortamit aallaqqaasiutitut akiliuteqartarfimmit, aqutsiveqarfimmit, sillimmasiisarfittut ingerlatseqatigiiffimmit nalunaarsuisussaatitaasumit imaluunniit aningaasalersuisarfimmit nr. 1-imi nassuaatigineqartutut ittumit ingerlanneqarpat taassuma isertitai tamarmiusut aningaasaliisutinik, aningaasaleeqqinnernit imaluunniit aningaasatigut pigisanik nalilinnik niueruteqarnermit pissarsiarineqartarpata.

Imm. 2. Immikkoortortaq ingerlatami ilaautut suliami imm. 1, nr. 1-imi nassuaatigineqartut ilaannik

ataatsimik arlalinnilluunniit annerpaamik ingerlatalittut isigineqassaaq imaluunniit siunertanut § 8, imm. 1, nr. 2-mi taaneqartunut aningaasaliinernit, aningaasaleeqqinnernit imaluunniit aningasatigut pigisanik nalilinnik niueruteqarnermit immikkoortortaq isertitami tamarmiusut annertunerpaartaanik isertitaqartutut isigineqassaaq Immikkoortortap isertitai tamarmiusut sulianut pineqartunut attuumassuteqarsinnaasut piffissani matuma kinguliani allassimasuni piffissami sivikinnerpaami immikkoortortap isertitai tamarmiusut annertoqatigippagut imaluunniit taakku 50 pct.-imik qaangerpagit:

- 1) ukioq aalajangersaaffusoq sioqqullugu piffissaq ukiunik pingasunik sivisussusilik ullorlu 31. decembarimut killilik, imaluunniit
- 2) piffissaq immikkoortortap atuuffigisaa.

Imm. 3. Oqariartaatsimi "ningaasalersuisarfik"-mi ilaatinneqanngilaq immikkoortortaq nioqutinik sullississutinillu Ingerlataqartoq, tassa Immikkoortortap § 47, nr. 4-7-imik piumasaqaammik ataatsimik arlalinnilluunniit eqquutsitsimmat.

Imm. 4. Den finansielle aktionsgruppem ("financial action task force") innersuussutini "ningaaserivittut" nassuaammi oqaasertat naapertorlugit imm. 1-3 paasineqassapput.

§ 9. Oqariartaatsimi "ningaaserivimmi pigisaq nalilik"-mi makku ilaatinneqarput:

- 1) pappiaqqat nalillit, soorlu aktiaateqarluni ingerlatseqatigiiffimmi aningasatigut piginneqataassutit, ingerlatseqatigiiffimmi minnerpaamik inunnit marlunnit pigineqartumi aningasaateqarfimmiluunniit amerlasuunik piginnittulimmi aningasanilluunniit niuerfimmi nalunaarsorneqartumi piginneqataassutit piginnittuunermilu soqtigisat, obligationit, taarsigassarsinermi uppermarsaatit, akiitsunut uppermarsaatit akiitsunulluunniit uppermarsaatit assigisaat.
- 2) ingerlatseqatigiiffimmi minnerpaamik inunnit marlunnit pigineqartumi piginneqataassutit, nioqutissat, illuatungeriit isumaqatigiissutaat (swaps), assersuutigalugu erniat pillugit illuatungeriit isumaqatigiissutaat, illuatungeriit tunngaviusumik isumaqatigiissutaat, erniat qaffasinnerpaaffissaat, erniat appasinnerpaaffissaat, nioqutissiassat pillugit illuatungeriit isumaqatigiissutaat, aktiat pillugit illuatungeriit isumaqatigiissutaat, aktianut naleqqersuutit pillugit illuatungeriit isumaqatigiissutaat isumaqatigiissutillu tamakkununnga assingusut.
- 3) sillimmasiinermut isumaqatigiissutit imaluunniit ernianut akilersuutinullu isumaqatigiissutit.

- 4) piginneqataassutit, tassunga ilanngullugu pappialat nalillit pillugit siunissami piffissamut aalajangersimasumut isumaqatigiissut, piffissamut isumaqatigiissutit imaluunniit aningaasalersuineq pillugu isumaqatigiissut, ingerlatseqatigiiffit minnerpaamik inunnit marlunnit pigineqartut, nioqutissat, illuatungeriit isumaqatigiissutaat, sillimmasiineq pillugu isumaqatigiissutit imaluunniit taarsigassarsiat assigiaartumik taarsorsorneqarnissaannik isumaqatigiissutit.

Imm. 2. Oqariartaatsimi "ningaaserivik pigisatut nalilik"-mi ilaatinneqanngilaq pigisami aalaakkaasumi akiitsoqarfungitsumik toqqaannartumik piginneqataassut.

§ 10. Oqaaserineqartoq "immikkullarissunut sillimmasiisarnermut ingerlatseqatigiiffik" (specified insurance company) isumaqarpooq ingerlatsivik sillimmasiisarnermut ingerlatseqatigiiffik sillimmasiinermut isumaqatigiissut aningasanik nalilik (cash value insurance contract) imaluunniit ernianut akilersuutinullu isumaqatigiissut eqqarsaatigalugit tunniussisartussaq imaluunniit akiliisarnissamut pisussaaffilik.

Aningaaserivik nalunaaruteqartussaanngitsoq

§ 11. Oqariartaaseq "ningaaserivik nalunaaruteqartussaanngitsoq" tassaavoq aningaaserivik:

- 1) pisortat immikkoortortaat, nunani tamalaani suliniaqtigiiiffik qitiusumilluunniit aningaaserivik ; tamatumani pinnagu aningaasatigut ingerlatamatut niuernermik tunngaveqartumut sillimmasiisarfittut ingerlatseqatigiiiffimmit nalunaarsuisussaatitaasumit ingerlanneqartumut atatillugu pisussaaffiup nassatarisaanik akiliuteqarneq; aqtsiveqarfik imaluunniit aallaqqaasiutitut akiliuteqartarfik.
- 2) soraarnerussutisiissanut aningaasaateqarfik annertuumik ilaasortalik, soraarnerussutisiissanut aningaasaateqarfik killilimmik ilaasortalik, soraarnerussutisiissanut aningaasaateqarfik pisortat immikkoortortaanit ingerlanneqartoq, nunani tamalaani suliniaqtigiiiffik imaluunniit qitiusumik aningaaserivik imaluunniit kortinik akiliutinik tunniussinissamut akuerisaasoq.
- 3) pensionisiallit peqatigiiffii il.il. allat.
- 4) ataatsimut aningaasalersuisarfik nalunaaruteqartussaatitaanngitsoq.
- 5) aningaasaateqarfik, aningaasaateqarfimmi aqtsisoq aningaasaateqarfiuppat nalunaaruteqartussaasoq aammalu aningaasaateqarfiup kontoi nalunaarutigineqartussaatitaasut tamaasa eqqarsaatigalugit paassisutissanik tamanik kapitali 9 naapertorlugu nalunaarutigineqaqquneqartunik nalunaaruteqartarp.

§ 12. Oqariartaaseq "pisortat immikkoortortaat" tassaavoq inatsisitigut oqartussaaffimmi naalakkersuisut, inatsisitigut oqartussaaffimmi politikkut immikkoortortatut agguataagaq, tamatumani pineqarlutik naalagaaffik, provinsi, nunap immikkoortua kommuniluunniit imaluunniit oqartussaaffik immikkoortoqarfilluunniit alla inatsisitigut oqartussaaffimmit imaluunniit Pisortat immikkoortortaanit ataatsimit arlalinnilluunniit tamakkiisumik pigineqartoq. Immikkoortukkuutaanut taakkununnga ilaapput immikkoortoqarfiit ataatsimoortitat, immikkoortortat nakkutilliivigineqartut aammalu inatsisitigut oqartussaaffimmi politikkut immikkoortortatut agguataakkat.

Imm. 2. Inatsisitigut oqartussaaffimmi "immikkoortoqarfik ataatsimoortitaq" tassaavoq inuk, kattuffik, oqartussaaffik, allaffik, aningaasaateqarfik, suliffeqarfik ingerlataqarfilluunniit alla, taaguitini apeqqutaatinngu inatsisitigut oqartussaaffimmi aqutsisutut oqartussaaffiusoq. Aqtsiviulluni ingerlataqarfiusup ilanngaaseereerluni isertitai nammineq kontoanut imaluunniit kontonut allanut inatsisitigut oqartussaaffimmit pigineqartunut ilanngunneqassapput taakkulu ilaat inuinnarnit pissarsiassangortinneqarnatik. Immikkoortoqarfimmi ataatsimoortitami ilaatinneqanngillat inuk naalakkersuisunut sinniisoq, atorfilittaq aqutsisorluunniit nammineq inuttulluunniit piginnaasaqarnini malillugu iliuuseqarsinnaasoq.

Imm. 3. "Immikkoortortaq nakkutilliivigineqartoq" tassaavoq immikkoortortaq ilusiligaanermigut inatsisitigut oqartussaaffimmut atanngitsoq imaluunniit inatsisilerinikkut immikkut allatut inissisimasut makku apeqqutaatillugit:

- 1) immikkoortortaq pisortat Immikkoortoqarfianit ataatsimit allalinnilluunniit imaluunniit immikkoortortaq nakkutilliivigineqartoq ataaseq arlallilluunniit aqqutigalugit tamakkiisumik pigineqartoq toqqaannartumillu nakkutilliivigineqartoq,
- 2) immikkoortortap ilanngaaseereerluni isertitat nammineq kontoanut imaluunniit kontonut allanut pisortat immikkoortoqarfianit ataatsimit arlalinnilluunniit pigineqartunut ilanngunneqassapput taakkulu ilaat inuinnarnit pissarsiassangortinneqarnatik, aamma

3) immikkoortortap atorunnaarnerani taassuma pigisai nalillit pisortat immikkoortortaanit ataatsimit arlalinnilluunniit tunniunneqartussaappata.

Imm. 4 Isertitat inuinnarnit pissarsiarineqarsinnaassanngillat inuit taakku pisortat ingerlataanik pissarsisussatut naatsorsunneqarpata aammalu ingerlatami suliat inuit tamarmik soqutigisaat malillugit innuttaasunut suliaappata imaluunniit pisortat suliniutaannik aqutsinermut attuumassuteqarpata. Siulanili allassimasut apeqqutaatinnagit isertitat inuinnarnit pissarsiarineqarsinnaasutut isigineqarput inuussutissarsiutitigut suliffeqarfik, assersuutigalugu niuernermik tunngaveqartumik aningaaserivik inuinnarnut aningaasalersuinikkut sullissutinik suliaqartoq pisortat immikkoortortaa atorlugu isertitaappata.

§ 13. Oqariartaaseq "nunani tamalaani suliniaqatigiiffik" tassaavoq nunani tamalaani suliniaqatigiiffik imaluunniit oqartussaaffik suliffeqarfillaunniit tassannga tamakkiisumik pigineqartoq. Immikkoortunut taakkununnga ilaapput suliniaqatigiiffit nalinginnaasut sulluunniit naalagaaffit akornanni atuuttut, tassunga ilanggullugit naalagaaffit ilaasortasut akornanni suliniaqatigiiffik annermik naalakkersuisunit peqataaffigineqartoq aammalu nunagisaq pillugu isumaqatigiissutilik imaluunniit ataatsimut isigalugu Kalaallit Nunaanni assingusumik isumaqatigiissutilik tassanngaanniillu isertitat inuinnarnut atugassanngortinneqarnatik.

§ 14. Oqariartaaseq "qitiusumik aningaaserivik" tassaavoq ingerlatsiveqarfik nunat allamiut aningaasaataannik ingerlaartitsussatut aningaasaqarnikut aqquatasinnaasut pillugit inatsisinik pisortatigoortumilluunniit akuersissut aqqutigalugit atuuttussanngortitsinissamut inatsisitigut oqartussaaffiup peqataasup naalakkersuisuisa saniatigut qullersatut oqartussaasoq. Aningaaserivimmi tassani ilaasinnavaoq ingerlatsiveqarfik inatsisitigut oqartussaaffiup peqataasup naalakkersuisuinut atanngitsoq, taanna inatsisitigut oqartussaaffimmit peqataasumit tamakkiisumik ilaannakortumilluunniit pigineqarnersoq apeqqutaatinnagu.

§ 15. Oqariartaaseq "soraarnerussutisiissanut aningaasaateqarfik annertuumik ilaasortalik" tassaavoq aningaasaateqarfik tigisisussanut maanna suliffeqartunut suliffeqarsimasunulluunniit imaluunniit inunnut sulisitsisumi ataatsimi arlalinniluunniit taama suliffeqartunit toqqarneqarsimasunit sullissutigineqarsimasunut akiliutitut soraarnerussutisiitat tunniuttakkanik, sulisinnajaunnaarnersiutit tunniuttakkanik imaluunniit toqusqartillugu tunniutassanik imaluunniit taakku akuleriissillugit tigisisussanut tunniutassanik pissarsiniartussatut pilersinneqartoq, apeqqutaatillugu soraarnerussutisiissanut aningaasaateqarfik

- 1) soraarnerussutisiissanut aningaasaateqarfipigisaasa nalillit 5 pct.-it sinnerlugit annertussusilinnik pissarsiaqarsinnaatitaasunik tigisisussaqanngippat,
- 2) pisortat inatsisaanik malinnittussaappat aammalu Akileraartarnermut Aqtsisoqarfimmum paassisutissiisussaatitaappat aamma
- 3) piumasaqaatit uku ilaannik ikinnerpaamik ataatsimik naammassinnittoo:

- a) soraarnerussutisiissanut aningaasaateqarfik aningaasaliinerniit isertitat akileraarusernissaannut nalinginnaasumik pisussaajunnaarsitaasarpq imaluunniit isertitat taakku akileraaruserneqarnissaat kinguartinneqarluni imaluunniit soraarnerussutisiissanut aaqqissuussinertut inissismanertik pissutigalugu appasinnerusumik akileraaruserneqarlutik,

- b) soraarnerussutisiassanut aningaasaateqarfíup akiliutimi tamarmiusunit ikinnerpaamik 50 pct.-it tigussavai, paragrafimi matumani aamma §§ 16 aamma 17-imi allaaserineqartutut aaqqissuussinernit allaniit pigisanit nalilinnit nuussinerit eqqaassanngikkaanni imaluunniit sulisitsisunit aningaasaliisuniit § 33-imi allaaserineqartutut soraarnerussutisiassanut kontonit
- c) soraarnerussutisiassanut aningaasaateqarfímmiit agguassineq imaluunniit aningaasanik tunniussineq taamaallaat pisinnaavoq soraarnerussutisianut, innarluuteqarnermut tunngasut aalajangersimasut pisimatillugit imaluunniit toqusqarsimatillugu, maannakkut paragrafimi aamma §§ 16 aamma 17-imi allaaserineqartutut soraarnerussutisiassanut aningaasaateqarfínnut allanut agguassiniissamut imaluunniit § 33-imi allaaserineqartutut soraarnerussutisianut kontonut nuussinerit ilanngunnagit, taamaattoqanngippat agguassinerut imaluunniit immikkut pisut taakku sioqqullugit aningaasanik tunniussinernut pineqaatissiisoqassaaq, imaluunniit
- d) soraarnerussutisiassanut aningaasaateqarfímmut sulisartup akiliisarneri, akiliutit ilassutaasut akuerineqartut aalajangersimasut ilanngunnagit, sulisartup sulinermi isertitaanut innersuussisoqarluni killeqarpata imaluunniit ukiumoortumik 341.000 kr.-it qaangissanngippagut, kontot kattunneqarneri aamma nunat allat aningaasaannut naatsorsuineq pillugu §§ 98-101-imi eqqartorneqartut maleruagassat atorneqartillugit.

§ 16. Oqariartaaseq 'soraarnerussutisiassanut aningaasaateqarfík killilimmik ilaasortalik' isumaqarpooq aningaasaateqarfík maannakkut imaluunniit siusinnerusukkut sulisartuusimasunut pisartagaqartunut soraarnerussutisianik akiliutissat, innarluuteqarnermi akiliutissat imaluunniit toqusqarnerani aningaasanik tunniussinissap pilersinneqarnissaanut pilersinneqarsimasut, imaluunniit inunnut, sulisitsisumi ataatsimi arlalinniluunniit sulisartunit taakkuninnga toqcarneqarsimasunut, akiliutinut tunniunneqarsimasunut akiliutit, naatsorsuutigalugu

- 1) soraarnerussutisiassanut aningaasaateqarfík 50-inik ikinnerusunik peqataasoqarpat,
- 2) soraarnerussutisiassanut aningaasaateqarfík, sulisitsisumit ataatsimit amerlanerniilluunniit aningaasalersuisarfiungitsumit aningaasalersorneqartoq,
- 3) sulisartup aamma sulisartup soraarnerussutisiassanut aningaasaateqarfímmut akiliisarnera § 33-mi allaaserineqartutut soraarnerussutisianut kontonit pigisanik nalilinnik nuussinerit eqqaassanngikkaanni sulisartup sulinermi akissarsiaanut ajunngitsorsiassaanullu innersuussilluni killeqarpata,
- 4) peqataasut soraarnerussutisiassanut aningaasaateqarfíup pilersinneqarfíani inatsisitigut oqartussaaffimmi najugaqartuunngitsut, soraarnerussutisiassanut aningaasaateqarfíup pigisaanit nalilinnit 20 pct.-ini annertunerusunut pisinnaatitaaffeqanngillat, aamma
- 5) soraarnerussutisiassanut aningaasaateqarfík pisortat malittarisassaani ilaatinneqarpat aamma Akileraartarnermut Aqutsisoqarfímmut paasissutissanik nalunaaruteqartarpat.

§ 17. Oqariartaaseq "soraarnerussutisiassanut aningaasaateqarfík pisortat immikkoortortaanit ingerlanneqartoq, nunani tamalaani suliniaqtigiffík imaluunniit qitiusumik aningaaserivik" isumaqarpooq aningaasaateqarfík pisortat immikkoortortaanit ingerlanneqartumit, nunani tamalaani suliniaqtigiffimmit imaluunniit qitiusumik aningaaserivimmit pilersinneqarsimasooq maannakkut imaluunniit siusinnerusukkut sulisartuusimasunut pisartagaqartunut soraarnerussutisianik akiliutissat, innarluuteqarnermi akiliutissat imaluunniit toqusqarnerani aningaasanik tunniussinissap pilersinneqarnissaanut pilersinneqarsimasut imaluunniit inunnut, sulisitsisumi ataatsimi arlalinniluunniit

sulisartunit taakkuninnga toqqarneqarsimasunut imaluunniit maannakkut siusinnerusukkulluunniit sulisartuusimanngitsoq, tigusisartumut imaluunniit peqataasunut akiliutit akiliutinut tunniunneqarsimasunut akiliutitut pisortat immikkoortortaanit ingerlanneqartoq, nunani tamalaani suliniaqatigiiffik imaluunniit qitiusumik aningaaserivik pillugu inuttut kiffartuussinertut akiliutitut pissarsiarineqarsimasut.

§ 18. Oqariartaaseq "kortinik akiliutinik tunniussinissamut akuerisaasoq" isumaqarpoq aningaaserivik piumasaqaatinik makkuninnga naammassinnittooq:

- 1) aningaaserivik taamaallaat aningaaseriviuvooq, kortinik akiliutissanik tunniussisartuugami, sullitaq kortimi akiligassanik qaangiisumik akiliuteqaraangat aningaasaliinernik taamaallaat akuersisartoq aamma sinneqartumik akiliineq ingerlaannartumik sullitamut utertinneqanngippat, aamma
- 2) aningaaserivik ulloq 1. januar 2016 sioqqullugu politikklinik suleriaatsinillu naammassinnippat, sullitap 341.000 kr.-t sinnerlugit akiliinissaanik pinngitsoortitsinissamik siunertaqartoq imaluunniit aningaasat taakku sinnerlugit sullitamiit sinneqartumik akiliinerit tamarmik ullaat 60-it iluanni sullitamut utertinneqarnissaannik qulakkeerisoq, pisuni marlunni kontot kattunneqarneri aamma nunap aningaasaanut naatsorsuineq pillugu §§ 98-101-imi eqqartorneqartut maleruagassat atorneqarlutik. Tassunga atatillugu sullitap sinneqartumik akiliutai akiliinerit isumaqatigiinngissutaasut eqqarsaatigalugit akiligassanut innersuussinneqassanngillat, taamaattorli nioqquissat utertinnerannit akiligassanut tunngasuullutik.

§ 19. "Soraarnerussutisiassanut aningaasaateqarfut allat ilaat il.il."-imi paasineqarput immikkoortut uku taakku §§ 16-18-imut ilaanngippata:

- 1) soraarnerussutisiassanut aningaasaateqarfut ilaasortaminnut sinnisuusut, tak. aningaasanik ingerlataqarneq pillugu inatsimmi § 304.
- 2) suliffeqarfinnut attuumassuteqartut inuunermut sillimmasiisarfut, tak. aningaasanik ingerlataqarneq pillugu inatsimmi § 307.
- 3) inuunermut sillimmasiisarfut, aningaasanik ingerlataqarneq pillugu inatsimmi § 307, imm. 1, nr. 1 aamma 2-mi piumasaqaatinik naammassinnittut.

Imm. 2. Imm. 1-imi eqqaaneqartut aningaaseriviit § 39-mi eqqaaneqartumi aningaasatigut kontonut ilanngullugit nalunaarsuiffimmi Akileraartarnermut Aqutsisoqarfimmit tamanut saqqummiunneqassapput.

§ 20. Oqariartaaseq "ataatsimut aningaasalersuisarfik nalunaaruteqartussaatitaanngitsoq" isumaqarpoq aningaasalersuisarfik ataatsimut aningaasaliinernut aningaaserivittut malittarisassaqartinneqartoq, naatsorsuutigalugu aningaaserivimmi piginneqataassutit tamarmik inuit imaluunniit immikkoortortamit, inuunngitsumit, nalunaarutigineqartussaasumit pigineqartut, inuit nakkutilliisut, inuit taakku pillugit nalunaaruteqartussat ilanngunnagit.

Imm. 2. Aningaasalersuisarfiup, ataatsimut aningaasaliinernut aningaaserivittut malittarisassaqartinneqartup aamma ataatsimut aningaasalersuisarfik nalunaaruteqartussaatitaanngitsoq imm. 1-imi piumasaqaatit naammassisavai, aningaasalersuisarfik qaqugumulluunniit tigumminnittup pigisai piginneqataassutinik atulersitsisimagaluarpaalluunniit, makku naatsorsuutigalugit:

- 1) aningaasaliisarfik tunniussinngippat aamma 31. december 2015-ip kingornatigut piginnittut aktiaataannik tunniussinngippat,

- 2) aningaasalersuisarfiup utertitsilluni pisinermi aktiat taamatut ittut tamaasa ilangguttarpagit,
- 3) aningaasalersuisarfiup kapitalini 3 - 8-ni eqqartorneqartut suleriaatsit peqqissaartumik periuseqarluni ingerlappagit aamma aktiat taamaattut eqqarsaatigalugit nalunaarutigineqartussat paasissutissat nalunaarutigippagit, aktiat taakku aningaasanngortinniarlugit allatigulluunniit akilerneqartussanngorlugit takutinneqarpata, aamma
- 4) aktiat taakku kingusinnerpaamik 1. januar 2018-imi aningaasanngortinnejarsimanaannik imaluunniit tuniniarnejarsinnaajunnaartinnejarnissaannik qulakkeerinnittunik politikkit suleriaatsillu aningaasaatqarfiup atuutsilersissimassagai.

Aningaaserivimmi konto

- § 21.** Oqaaseq "ningaaserivimmi konto" isumaqarpoq konto aningaaserivimmit aqunneqartoq taamatuttaaq ukunannga:
- 1) aallaqqaasiutitut akiliutinut konto.
 - 2) ingerlatsinermut konto.
 - 3) aningaasaliisarfimmur tunngatillugu nammineq aningaasaatini piginneqataassut sunaluunniit imaluunniit aningaasaliisarfimmu akiitsut. Siuliani allassimasut apeqqutaatinnagut oqariartaaseq "ningaaserivimmi konto" aningaasalersuisarfimmu immikkoortortami nammineq aningaasaatini imaluunniit akiitsuni piginneqataassuteqanngilaq, taanna taamaallaat aningaasalersuinissamut siunnersuisuuginnarmat aamma sullitaq sinnerlugu niuertermik imaluunniit immikkoortortamit tassannga allaanerusumi aningaaserivimmi allami sullitap atianut toqqorneqarsimasunut aningaasatigut pigisanik aningaasaliinissaq, ingerlatsinissaq imaluunniit aqtsinissaq siunertaralugu suliassanik aqtsisuummat,
 - 4) nr. 3-imi allaaserineqanngitsoq aningaaserivik eqqarsaatigalugu aningaaserivimmi nammineq aningaasaatini imaluunniit akiitsuni piginneqataassutit, taamatut ittut kapitali 9 naapertorlugu nalunaaruteqannginnissaq siunertaralugu pilersinneqarsimappata, aamma
 - 5) sillimmasiinermi isumaqatigiissut sunaluunniit aningaasanik naleqartoq aamma taarsigassat assigiaartumik taarsorsorneqarnissaannik isumaqatigiissutit suulluunniit aningaaserivimmit atuutsilersinneqarsimasut imaluunniit ingerlanneqartut, aningaasalersuinermut atassuteqanngitsut, imaaliaallaannaq tunniunneqarsinnaanngitsut soraernerussutisiat inummut atulersitat aamma soraernerussutisiaqartumut imaluunniit innarluuteqartumut aningaasanik naleqartitsisut, kontomi ikineqartartut, kontomut ilaangnitsut ilanngunnagut.
- Imm. 2. Oqariartaatsimut "ningaaserivimmi konto"-mut ilaangnilaq konto, kontomut ilaangnitinneqanngitsumut ilaangnitsoq.*

- § 22.** Oqariartaatsimut "aallaqqaasiutitut akiliutinut konto"-mut ilaapput niuertermi kontot suulluunniit, akissarsianut konto, isumaqatigiissuteqarluni konto imaluunniit konto aallaqqaasiutitut akiliutinut uppernarsaateqarnikkut, ileqqaarnissamut uppernarsaatikkut, aningaasaliinermut uppernarsaatikkut, akiitsunut allagartakkut imaluunniit taamaaqataanik allatigut uppernarsarneqartoq, aningaaserivimmik nalinginnaasumik ingerlatsinertut imaluunniit taamaaqataanik niuerikkut ingerlatsinertut aningaaserivimmit ingerlanneqartoq.

Imm. 2. Aallaqqaasiutit akiliutinut kontomut aamma ilaapput aningaasat aningaasaliinissamut

isumaqatigiissut qularnaveeqquserneqarsimasoq malillugu sillimmasiisarfimmi toqqortarineqartut imaluunniit akiliinissaq imaluunniit aningasat ernialernissaat pillugu taamaaqataanik isumaqatigiissut.

§ 23. Oqariartaaseq "aqtsinermi konto" isumaqarpoq konto, sillimmasiinermi isumaqatigiissut imaluunniit taarsigassat assigiaartumik taarsorsorneqarnissaannik isumaqatigiissut ilanngunnagit, inummut allamut iluaqutaasussatut aningasaqatigut pigisanik nalilinnik ataatsimik arlalinnilluunniit imaqartoq.

§ 24. Oqariartaaseq "nammineq aningasaatini piginneqataassutit" isumaqarpoq aningaaserivimmi soqutigisaqaqtigiiinnut tunngasuusoq eqqarsaatigalugu, soqutigisaqaqtigiffimmi aningasaatini piginneqataassutit imaluunniit sinneqartoortinit piginneqataassutit.

Imm. 2. Aningasaateqarfik aningaaseriviusoq eqqarsaatigalugu nammineq aningasaatini piginneqataassutit isigineqarput inummit piginneqartut, aningasaateqarfip tamarmiusup ilaannaanilluunniit pilersitsisutut imaluunniit pisinnaatitaaffittut suliarineqartut imaluunniit inummit allamit aningasaateqarfimmit inaarutaasumik sunniuteqarluartumik nakkutilliisumit piginneqartut. Inuk nalunaarutigineqartussaq pillugu aningasaateqarfimmi pisinnaatitaasutut isumagineqassaaq, inuk taamatut ittoq nalunaarutigineqartussaq, assersuutigalugu ingerlatsisoq aqqutigalugu toqqaannartumik toqqaannanngitsumilluunniit agguagassarsiassanik tigusinissamut pisinnaatitaappat imaluunniit aningasaateqarfimmiit agguagarsiassanik missiliukkat toqqaannartumik toqqaannanngitsumilluunniit tigusisinnaappat.

§ 25. Oqariartaaseq "sillimmasiinermik isumaqatigiissut" isumaqarpoq isumaqatigiissut, taarsigassat assigiaartumik taarsorsorneqarnissaannik isumaqatigiissut ilanngunnagu, taanna naapertorlugu toqusoqarsinnaaneranut, napparsimalersinnaanermut, ajutoorsinnaanermut, akisussaanermut imaluunniit illumi annaasaqarsinnaanernut ilaasut immikkut pisoqarnerani aningasanik tunniussinissamut atulersitsinissamut akuersisoq.

§ 26. Oqariartaaseq "taarsigassat assigiaartumik taarsorsorneqarnissaannik isumaqatigiissut" isumaqarpoq isumaqatigiissut, taanna malillugu inuup ataatsip arlallilluunniit piffissaq inuuffigisassaattut naatsorsuutigisaq eqqarsaatigalugu tamakkiisumik ilaannakuusumillu aalajangerneqartumi piffissami aningasanik tunniussinissamut atulersitsinissamut akuersisoq.

Imm. 2. Oqariartaatsimut aamma ilaavoq isumaqatigiissut inatsisit, najoqqtassat imaluunniit isumaqatigiissutip atuutilerfiani inatsisitigut oqartussaaffigisami suleriaaseq malillugu taarsigassat assigiaartumik taarsorsorneqarnissaannik isumaqatigiissutit isigineqartoq, aamma taanna malillugu ukiuni arlalinni akiliisarnissamut atulersitsinissamut akuersisoq.

§ 27. Oqariartaaseq "sillimmasiinermut isumaqatigiissut aningasanik naleqartoq" isumaqarpoq sillimmasiinermi isumaqatigiissut, sillimmasiisarfut marluk aningasanik naleqartitsisut akornanni isumaqatigiissut, alla sinnerlugu akiliisimanermut ajunngitsorsiassaqarnermut akisussaaneq pillugu sillimmaseeqqinnermut ilanngunnagu.

§ 28. Oqariartaaseq "ningaasanngorlugu nalinga" isumaqarpoq aningaasani ukunani marlunni aningaasat anneraat:

- 1) aningaasat, isumaqatigiissutip atorunnaarsinnerani imaluunniit naanerani sillimmasiisimasup tigusassatut pisinnaatitaaffigisai, atorunnaarsitsinermut imaluunniit sillimmasiinerup allagartaani taarsigassarsiamut atatillugu akiliinermut appartitsinertaqanngitsumik aalajangerneqartoq aamma
- 2) aningaasat, isumaqatigiissut naapertorlugu imaluunniit eqqarsaatigalugu sillimmasiisup taarsigassarsiarsinnaasai.

Imm. 2. Imm. 1-imi allaqqasut apeqquaatinngagit oqariartaatsimut "ningaasanik nalilik"-mut ilaangillat aningaasat sillimmasiinermut isumaqatigiissut naapertorlugu akilerneqartussat:

- 1) inuup inuunermut sillimmasiinermut isumaqatigiissut malillugu sillimmaserneqarsimasup toquneratigut taamaallaat tunniunneqartussat,
- 2) inuup ajoquuserneratigut imaluunniit napparsimaneratigut ikuuit imaluunniit allat ikuuit, pisup sillimmaserneqarsimasup atuutilerneratigut aningaasanut annaaneqartunut taartaasut,
- 3) siusinnerusukkut sillimmasiinermut akilersimasat utertillugit akilerneqarneri sillimmasiinermut akiliutissanut aningaasartuutit ilanngaatigalugit, taakku sillimmasiinermut isumaqatigiissut naapertorlugu piumasarineqarsimanerat imaluunniit piumasarineqarsimannginnerat apeqquaatinngagu, aningaasalersuinermut atasumik inuunermut sillimmasiinermut imaluunniit taarsigassat assigiaartumik taarsersorneqarnissaannik isumaqatigiissut eqqaassanngikkaanni, isumaqatigiissutip atorunnaarsinnerata imaluunniit naanerata, isumaqatigiissummi piffissap atuuffiani annasaqariaatarfiusinnaasut peqataanerit pisussaaffiliisut appartinnerisa malitsigisaanik imaluunniit kukkusumik aningaasat inissinneqarsimasut iluarsineqarnerisa imaluunniit isumaqatigiissummut akiliummut tunngatillugu kukkunerit assingusut allat malitsigisaannik,
- 4) sillimmasertumut agguagassarsiatut, atorunnaarneranut atatillugu agguagassarsiat ilanngunnagit, agguagassarsiaq sillimmasiinermut isumaqatigiissummut tunngasuuppat, taanna naapertorlugu akiliutit nr. 2-mi allaaserineqartut kisimik tunniunneqarlutik, imaluunniit
- 5) sillimmasiinermut isumaqatigiissut pillugu siumoortumik akiliutinik imaluunniit akiliutinut qularnaveeqquit utertillugit akilernerini, taanna naapertorlugu akiliut ikinnerpaamik ukiumut ataasiarluni akilerneqartarluni, siumoorluni akiliut imaluunniit akiliutinut qularnaveeqqusiusat pillugit aningaasat ukiup tulliani akiliutissaq isumaqatigiissut malillugu akilerneqartussaq qaangersimannngippagu.

§ 29. Oqariartaaseq "konto pioreersoq" isumaqarpoq:

- 1) aningaaserivimmi konto, ulloq 31. december 2015-imi aningaaserivimmit nalunaaruteqartussaasumit ingerlanneqartoq
- 2) aningaaserivimmi konto kontomik piginnittumit pigineqartoq, aningaaserivimmi kontop taamatut ittup ulloq suna ammarneqarnera apeqquaatinngagu,
 - a) kontomik piginnittoq aamma aningaaserivimmi kontoqarpat, nr. 1 malillugu aningaaserivimmi nalunaaruteqartussami konto pioreersuusoq, imaluunniit Kalaallit Nunaanni immikkoortortaq atassuteqartoq,
 - b) aningaaseriviup nalunaaruteqartussap immaqalu Kalaallit Nunaanni immikkoortortap atassuteqartup, qulaani taaneqartut marluk aningaaserivimmi kontot aamma kontomik piginnittup aningaaserivimmi kontoi allat, normu manna naapertorlugu kontotut pioreersutut isigineqartut, kontoni aningaasanut killiussat atorneqartillugit § 94-imi eqqartorneqartut ilisimasanut piumasaqaatit naammassineqarnissaat

siunertaralugu aamma aningaaserivimmi kontoni nikinganernik imaluunniit nalinik naatsorsuinissaq siunertaralugu aningaaserivimmi kontotut ataatsitut suliarineqassapput,
c) aningaaserivimmi konto, AML/KYC-imi suleriaatsinut ilaasut eqqarsaatigalugit aningaaserivik nalunaaruteqartussaq pisussaavoq nr. 1-imi allaaserineqartutut kontomut pioreersumut naammassineqarsimasut AML/KYC-imi suleriaatsit atornerisigut aningaaserivimmi kontomut AML/KYC-imi suleriaatsit taamatut atornissaannut pisussaaffeqarpoq, aamma
d) aningaaserivimmi kontomik ammaanermut piumasarineqanngilaq kontomik piginnittooq sullitatut paasissutissanik nutaanik, ilassutaasunik allannguisunilluunniit saqqummiussinissa, peqqussutip taassuma malinnea ilanngunnagu.

§ 30. Oqariartaaseq "konto nutaaq" isumaqarpoq aningaaserivimmi konto, aningaaserivimmit nalunaaruteqartussamit ingerlanneqartoq aamma ulloq 1. januar 2016-imi kingusinnerusumiluunniit pilersinneqarsimasoq, taanna § 29, imm. 1, nr. 2 malillugu kontotut pioreersutut isigineqanngippat.

§ 31. Oqariartaaseq "inuup kontoa pioreersoq" isumaqarpoq konto pioreersoq inummit ataatsimit arlalinnulluunniit pigineqartoq.

Imm. 2. Oqariartaaseq "inummut konto nutaaq" isumaqarpoq konto nutaaq, inummit ataatsimit arlalinnulluunniit pigineqartoq.

Imm. 3. Oqariartaaseq "immikkoortortami konto pioreersoq" isumaqarpoq konto pioreersoq, immikkoortortamit ataatsimit arlalinnilluunniit pigineqartoq.

Imm. 4. Oqariartaaseq "appasissumik nalilinnut konto" isumaqarpoq inuup kontoa pioreersoq ulloq 31. december 2015-imi 6,83 mio. kr.-it sinnernagit ataatsimut uninngasuutilik imaluunniit nalilinnik peqarfiusoq.

Imm. 5. Oqariartaaseq "qaffasissumik nalilinnut konto" isumaqarpoq inuup kontoa pioreersoq ulloq 31. december 2015-imi imaluunniit ukiuni kingusinnerusuni arlaanniluunniit 31. decembarimi 6,83 mio. kr.-it sinnerlugit ataatsimut uninngasuutilik imaluunniit nalilinnik peqarfiusoq.

Imm. 6. Oqariartaaseq "immikkoortortami konto nutaaq" isumaqarpoq konto nutaaq, immikkoortortamit ataatsimit arlalinnilluunniit pigineqartoq.

§ 32. Oqariartaaseq "konto, ilaatinneqanngitsoq" isumaqarpoq §§ 33 – 39-imi eqqaaneqartut kontot arlaat.

§ 33. Soraarnerussutisanut konto, piumasaqaatinik tulliuttunik naammassinnittooq, tassaavoq "konto, ilaatinneqanngitsoq":

- 1) konto inuup soraarnerussutisanut kontootatut malittarisassaqartinneqarpoq imaluunniit nalunaarsukkanut ilaalluni imaluunniit soraarnerussutisanut akiliutit akilerneqartarneri pillugit soraarnerussutisanut aaqqissuuussinermik malittarisassaqartinneqarluni, tassunga ilanngullugit innarluutilinnut akiliutit imaluunniit toqusqarnerani tunniunneqartartut,
- 2) konto akileraartarnikkut iluaquserneqarsimavoq, tassa imaappoq kontomit akiliutit, akileraarutaasussaagluartut, ilanngaatigineqarsinnaatitaapput imaluunniit kontomik piginnittup tamakkiisumik isertitaanit ilanngaatigineqarlutik imaluunniit appasinerusumik akileraarusersornerneqarlutik, imaluunniit kontomit aningaasaliinermi isertitat akileraarusersorneri kinguartinneqarlutik imaluunniit

appasinnerusumik akileraaruserneqarlutik,

3) konto pillugu paassisutissat Akileraartarnermut Aqtsisoqarfimmut nalunaarutigineqassapput,

4) tunniussinissanut piumasaqaataavoq soraernerussutisiaqartussatut aalajangersimasunik ukioqalersimaneq, innarluuteqarneq imaluunniit toqusqarnera, taamaattoqanngippat aningasat tigunissaannut akuersisoqqaartariaqassaaq, pisut aalajangersimasut taakku sioqqullugit pisussamik, aamma

5) imaluunniit:

a) ukumoortumik akiliutit 341.000 kr.-inut taakkuluunniit inorlugit killilerneqarsimassapput, imaluunniit

b) akiliutit inuunerup ingerlanerani kontomut akilerneqarsinnaasut 6,83 mio kr.-inut taakkuluunniit ataallugit killilerneqarsimassapput

c) pissutsini marluusuni malittarisassat kontonik kattussisarnerit aningasallu nalinginik naatsorsueqqittarnerit pillugit §§ 98-101-ini pineqartut atorlugit.

Imm. 2. Aningaaserivimmik kontop, allatigut imm. 1, nr. 5-imi piumasaqaatinik naammassinnittup, piumasaqaatit taakku aamma naammassissavai, aningaaserivimmik konto taamatut ittoq pigisanik nalilinnik aningasanilluunniit tigusissagaluarpaalluunniit, paragraffimi matumani imaluunniit § 34-mi piumasaqaatinik naammassinnitumik aningaaserivimmik kontomit ataatsimiit arlalinnilluunniit nuunneqartut imaluunniit soraernerussutisionut aningasaateqarfimmit ataatsimit arlalinnilluunniit §§ 15-17-imi piumasaqaatinik naammassinnittuniit.

§ 34. Konto, piumasaqaatinik tulliuttunik naammassinnittooq tassaavoq "konto, ilaangitsoq":

1) konto soraernerussutisionut allaanerusunut siunertanut allanut aningasalersuinermi sakkutut malittarisassiorneqarpoq aamma pappiaranik aningasanik niuerfinni pilersinneqarsimasumi akuttungitsumik niuertoqartarluni imaluunniit konto soraernerussutisionut allaanerusunut siunertanut allanut ileqqaarnissatut sakkussatut malittarisassiorneqarsimalluni,

2) konto akileraartarnikkut iluaquserneqarsimavoq, tassa imaappoq kontomit akiliutit, akileraarutaasussaagaluartut, ilanngaatigineqarsinnaatitaapput imaluunniit kontomik piginnittup tamakkiisumik isertitaanit ilanngaatigineqarlutik imaluunniit appasinerusumik akileraarusersornerneqarlutik imaluunniit kontomit aningasaliinermi isertitat akileraarusersorneri kinguartinneqarlutik imaluunniit appasinnerusumik akileraaruserneqarlutik,

3) aningasat tigunissaannut piumasarneqarpoq aningasalersuinermi imaluunniit ileqqaarnermi kontomi siunertanut tunngasuni piumasaqaatit aalajangersimasut naammassineqassasut, soorlu assersuutigalugu ilinniartitaanikkut pisartakkanik imaluunniit napparsimanersiutinut tigusinerit, taamaattoqanngippat aningasat tigunissaannut akuersisoqqaartariaqassaaq, pisut aalajangersimasut taakku sioqqullugit pisussaq, aamma

4) ukumoortumik akiliutit 341.000 kr.-inut taakkuluunniit inorlugit killilerneqarsimapput kontonik kattussisarnerit aningasallu nalinginik naatsorsueqqittarnerit pillugit §§ 98-101-ini pineqartut atorlugit.

Imm. 2. Aningaaserivimmik kontop, allatigut imm. 1, nr. 4-imi piumasaqaatinik naammassinnittup, piumasaqaatit taakku aamma naammassissavai, aningaaserivimmik konto taamatut ittoq pigisanik nalilinnik aningasanilluunniit tigusissagaluarpaalluunniit, paragraffimi matumani imaluunniit § 33-mi piumasaqaatinik naammassinnitumik aningaaserivimmik kontomit ataatsimiit arlalinnilluunniit nuunneqartut imaluunniit soraernerussutisionut aningasaateqarfimmit ataatsimit arlalinnilluunniit §§ 15-17-imi piumasaqaatinik naammassinnittunit.

§ 35. Inuunermut sillimmasiinermut isumaqatigiissut piffissami aalajangersimasumi atuuttoq, inuup sillimmaserneqartup 90-inik ukioqalernissaa sioqqullugu naasussaq tassaavoq "konto, ilaanngitsoq", naatsorsuutigalugu isumaqatigiissutip piumasaqaatit makku naammassigai:

- 1) piffissakkaartumik akiliutit, piffissap ingerlanerani milliartungitsut, piffissami isumaqatigiissutip atuunnerani ikinnerpaamik ukiumut ataasiarluni akilerneqartartut, imaluunniit sillimmaserneqarsimasup 90-inik ukioqalernissaata tungaanut, piffissaq sorliup sivikinnerunera apeqquataalluni,
- 2) aningaasanik tigusinermi, taarsigassarsinermi imaluunniit allatigut inuup pissarsiarisinnaasaanut isumaqatigiissut isumaqatigiissutit naleqanngilaq, isumaqatigiissut atorunnaarsinneqanngippat,
- 3) aningaasat, toqusqarnerani tigusassanngortinnejartut eqqaassanngikkanni, isumaqatigissutip atorunnaarsinnerani imaluunniit taamaatinneqarnerani tiguneqartussat isumaqatigiissut pillugu akiligassat akiliutigineqarsimasut tamarmiusut sinnisanngilai, toqusqarneranut napparsimasoqarneranullu atatillugu aningaasartuutit tamarmiusut ilanngaatigalugit, isumaqatigiissutip ingerlanerani piffissamut imaluunniit piffissanut piviusumik akileqquneqarsimanerat apeqquataatinnagu, aamma aningaasat isumaqatigiissutip atorunnaarsinnaera imaluunniit naanera sioqqullugu akilerneqarsimasut, aamma
- 4) isumaqatigiissut akiliuteqarluni pissarsisumit pigineqanngilaq.

§ 36. Konto, taamaallaat toqusup piinit pigineqartoq tassaavoq "konto, ilaanngitsoq", taamatut kontomut uppernarsaat toqusup kingornutassiissutaanut imaluunniit toqusup allagartaata assilineranik imaqpapat.

§ 37. Konto, pissutsit uku tulliuttut arlaannut atatillugu pilersinneqarsimappat tassaavoq "konto, ilaanngitsoq":

- 1) eqqartuussivimmi aalajangiineq pineqaatissiinerluunniit.
- 2) illumik imaluunniit inuup pigisaanik tunisineq, paarlaassineq imaluunniit attartortitsineq, kontop piumasaqaatit uku naammassisimappagit:
 - a) konto taamaallaat akiliinikkut, siumoornikkut imaluunniit pisussaaffik nuussinermut toqqaannartumik atassuteqartoq qulakteerniarlugu aningaasanik tulluartunik qularnaveeqqusikkanik, imaluunniit illumik imaluunniit inuup pigisaanik tunisinermut, paarlaassinermut imaluunniit attartortitsinermut atatillugu kontomi toqqorneqartunik aningaasanik pigisanit assingusumik akilerneqarluni imaluunniit akilersorneqarluni aningaasalersorneqarpoo,
 - b) konto illup imaluunniit pigisat pisiarineranni akiinik akiliinissamut pisup pisussaaffia taamaallaat qulakteerniarlugu pilersinneqarpoo, pisussaaffigisinnasat tamaasa isumaginissaanut tunisisup pisussaaffia imaluunniit illumut attartorneqartumut attuumassuteqartunik ajoqusikkanut akiliinissamut attartortitsisup imaluunniit attartortup pisussaaffia imaluunniit attartornermut atatillugu isumaqatigissutigineqartut pigisat attartorneqartut,
 - c) kontomi pigisat nalillit, tassunga ilanngullugit tassannga iluanaarutit, tiguneqassappat imaluunniit pisisumut, tunisisumut, attartortitsisumut imaluunniit attartortumut arlaatigut agguarneqarlutik, tassunga ilanngullugu inuup taassuma pisussaaffii naammassiniarlugit, illu imaluunniit pigisat tunineqarpata, paarlaanneqarpata imaluunniit tunniunneqarpata, imaluunniit attartorneq atorunnaarpat,
 - d) konto tassaanngilaq nalilinnik pisinissamut konto imaluunniit assingusoq konto aningaasatigut pigisanik tunisinermut imaluunniit paarlaassinermut atatillugu pilersinneqarsimasoq, aamma

- e) konto § 38-imi allaaserineqartumut kontomut atassuteqannngilaq,
- 3) aningaaseriviup, illumi qularnaveeqqusiiilluni taarsigassarsisitsippat, akileraarutit imaluunniit kingusinnerusukkut illumut atatillugu sillimmasiinerit akilersinnaanngornissaat taamaallaat siunertaralugu akiliutip ilaata immikkoortinneqarnissaanut pisussaaffia.
- 4) aningaaseriviup kingusinnerusukkut akileraarutit akilernissaannut taamaallaat oqlisaassinissamut pisussaaffia.

§ 38. Aallaqqaasiutitut akiliutinut konto, piumasaqaatinik ukuninnga naammassinnittooq, tassaavoq "konto, ilaanngitsoq":

- 1) konto taamaallaat atuuppoq, sullitaq korti atorlugu akiliissammatt imaluunniit allatigut akiitoqarallartsisinnaammat, sinneqartumillu akiliineq ingerlaannartumik sullitamut utertinneqarnani, aamma
- 2) aningaaserivik kingusinnerpaamik ulloq 1. januar 2016-imi politikkiliussaaq suleriaasiliorlunilu, sullitap 341.000 kr.-it sinnerlugu sinneqartumik akiliinissaanut pinngitsoortitsinissamut siunertaqartumik imaluunniit aningaasat taakku sinnerlugit sullitamiit sinneqartumik akiliinerit suulluunniit ullut 60-it iluanni sullitamut utertinneqarnissaannik qulakkeerineq, pisuni marlunni nunat aningaasaannut naatsorsuineq pillugu §§ 98-101-imi eqqartorneqartunik maleruagassat atorneqassapput. Tassunga atatillugu sullitamiit sinneqartumik akiliineq akiliinerit isumaqatigiinngissutaasut eqqarsaatigalugit akiligassanut innersuussinngillat, taamaattorli nioqqutissat utertinnerannit akiligassanut tunngasuullutik.

§ 39. Kontot tulliuttut "kontot, ilanngitsut"-tut isigineqarpuit:

- 1) soraarnerussutisianik aaqqissuussinerit soraarnerussutisiat akileraarusersorneri pillugit inatsimmi kapitali 1-imut ilaasut.
- 2) ilinniagaqartunut kontot ilinniagaqarnersiutit pillugit Inatsisartut inatsisaat malillugu pilersinneqarsimasut
- 3) pensionisialinnut kontot isertitant akileraarusiisarneq pillugu inatsimmi kapitali 4 a malillugu soraarnerussutisiaqalernissaq siunertaralugu ileqqaagaasunut.

Konto nalunaarutigineqartussaatitaasoq

§ 40. Oqariartaaseq "konto nalunaarutigineqartussaatitaasoq" isumaqarpoq aningaaserivimmi konto, aningaaserivimmit nalunaaruteqartussamit ingerlanneqartoq aamma inummit ataatsimit arlalinnilluunniit pigineqartoq, taanna pillugu nalunaaruteqartussaalluni, imaluunniit akiitsulimmit NFE-mit inummik ataatsimik arlalinnilluunniit nakkutilliisilik taakku inuullu nalunaarutigineqartussat, naatsorsuutigalugu taanna kapitali 3-8-mi allaaserineqartut peqqissaartumik periuseqarnissaq pillugu suleriaatsit naapertorlugit kinaassuseqartutut uppermarsarneqarsimasoq.

Imm. 2. Oqariartaaseq "konto nunanut allanut, Savalimmiunut imaluunniit Danmarkimut atassuteqartoq" isumaqarpoq aningaaserivimmi konto, aningaaserivimmit nalunaaruteqartussamit ingerlanneqartoq, aamma nunani allani, Savalimmiuni imaluunniit Danmarkimi inummit ataatsimit arlalinnilluunniit pigineqartoq, imaluunniit akiitsulimmit NFE-mit nunani allaniittumik, Savalimmiuniittumit imaluunniit Danmarkimiittumit inunnit nakkutilliisumit ataatsimit arlalinnilluunniit, naatsorsuutigalugu taanna kapitali

3-8-mi allaaserineqartut tulluartumik peqqissaarnissaq pillugu suleriaatsit naapertorlugit kinaassuseqartutut uppernarsarneqarsimasoq.

§ 41. Oqariartaaseq "inuk nalunaarutigineqartussaq" isumaqarpoq inatsisitigut oqartussaaffimmi peqataasumi inuk, tassaanngitsoq:

- 1) ingerlatseqatigiiffik, aktiaatai akuttunngitsumik pappiaranik aningaasanik nalilinnik niuerfimmi pilersinneqarsimasumi ataatsimi arlalinnluunniit niuerutigineqartut,
- 2) ingerlatseqatigiiffik, nr. 1-imi allaaserineqartumik ingerlatseqatigiiffimmut immikkoortortamut atasoq,
- 3) pisortat immikkoortortaqarfiat,
- 4) nunanit tamalaaneersut kattuffiat,
- 5) qitiusumik aningaaserivik imaluunniit
- 6) aningaasaliisarfik.

§ 42. Oqariartaaseq "inatsisitigut oqartussaaffimmi peqataasumi inuk" isumaqarpoq inuk imaluunniit immikkoortortaq inatsisitigut oqartussaaffimmi tessani akileraartarnikkut inatsisit malillugit inatsisitigut oqartussaaffimmi allami najugaqartoq imaluunniit inuup toqusimasup inatsisitigut oqartussaaffimmi allami najugaqarsimasup kingorna toqusup pigisai.

Imm. 2. Oqariartaaseq "inuk nunani allani, Savalimmiuni imaluunniit Danmarkimi" isumaqarpoq inatsisitigut oqartussaaffit tamaasa eqqarsaatigalugit inuk imaluunniit immikkoortortaq inatsisitigut oqartussaaffimmi pineqartumi akileraartarnikkut inatsisit malillugit inatsisitigut oqartussaaffimmi allami najugaqartoq imaluunniit inuup toqusimasup inatsisitigut oqartussaaffimmi allami najugaqarsimasup kingorna toqusup pigisai.

Imm. 3. Imm. 1 aamma 2-p atorneqarnerini Immikkoortortaq assersuutigalugu soqtigisaqaqatigiit, kommanditselskabi assigisaaluunniit inatsisitigut aaqqissuussa, akileraartarnikkut angerlarsimaffeqanngitsoq, sumiiffimmi aqtsissut sumiiffigisaanni inatsisitigut oqartussaaffimmi najugaqartutut isigineqarpoq.

Imm. 4. Imm. 3-p atorneqarnerani inatsisitigut oqartussaaffimmi pineqartumi akileraartarnikkut inatsisit malillugit Inatsisitigut oqartussaaffimmi peqataasumi Immikkoortortatut akileraartartussaanngitsutut isigineqanngippata inatsisitigut pisussaaffilik pisinnaataitaasorlu imaluunniit inatsisitigut aaqqissuussineq assigisumik inatsisitigut aaqqissuussinertut isigineqassaaq. Aningaasaateqarfik Akiitsulittut NFE-usoq, marloqiusamik nalunaaruteqartarnissap pinngitsoornissaa siunertaralugu, assingusumik inatsisitigut aaqqissuussinertut isigineqanngilaq.

§ 43. Oqariartaaseq "inatsisitigut oqartussaaffik peqataasoq" isumaqarpoq

- 1) inatsisitigut oqartussaaffik alla, kapitali 9-mi allassimasunik paassisutissat pissarsiarinissaannut inatsisitigut oqartussaaffimmik taassuminnga Kalaallit Nunaata isumaqatigiissuteqarfifigisimasa.

§ 44. Oqariartaaseq "inuit nakkutilliisut" isumaqarpoq inuit immikkoortortamik nakkutilliisut.

Imm. 2. Aningaasaateqarfik eqqarsaatigalugu oqariartaaseq taanna isumaqarpoq pilersitsisoq(sut), aqtsisoq(sut), immaqalu illersuisoq(sut), iluaquserneqartoq(tut) imaluunniit iluaquserneqartut assigiinngitsut aamma inuk ataaseq allat arlallit, naggataatigut aningaasaateqarfimmi nakkutilliisut, aamma aningaasaateqarfimmit allaanerusoq inatsisitigut aaqqissuussineq alla eqqarsaatigalugu

oqariartaaseq isumaqarpoq inuit taamaaqataanik assigisaanilluunniit inissisimasut.

Imm. 3. Oqaaseq "inuit aqutsisuuusut" financial action task force-mit kaammattutigineqartut naapertorlugit nassuiarneqassapput.

§ 45. Oqariartaaseq "NFE" (aniaaaseriviunngitsumi immikkoortortaq – non financial entity) isumaqarpoq Immikkoortortaq, Aningaaseriviunngitsoq.

§ 46. Oqariartaaseq "NFE ingerlanngitsoq" isumaqarpoq

- 1) NFE, NFE ingerlasuunngitsoq, imaluunniit
- 2) § 8, imm. 1, nr. 2-mi allaaserineqartoq aningaasalersuisarfik, inatsisitigut oqartussaaffiusumi peqataasumi aningaaseriviunngitsoq.

§ 47. Oqariartaaseq "NFE sulisoq" isumaqarpoq NFE, piumasaqaatinik makkuninnga naammassinnittooq:

- 1) qaammatisiutit ukiuannut siulusumut imaluunniit piffissamut nalunaaruteqarfiusussaasumut attuumassuteqartumut allamut NFE-p tamakkiisumik isertitaasa 50 pct.-imik ikinnerusut sulinani isertitaasut, aamma qaammatisiutit ukiannut siulusumut imaluunniit piffissamut nalunaaruteqarfiusussaasumut attuumassuteqartumut allamut pigisat nalillit NFE-mit pigineqartut 50 pct.-imik ikinnerusut tassaasut pigisat nalillit, sulinani isertitanik amerlisaanissaq siunertaralugu amerlisarneqartut imaluunniit pigineqartut.
- 2) NFE-mi piginneqataassutit pappiaranik aningaasanik nalilinnik niuerfimmi pilersinneqarsimasut akuttunngitsumik niuerutigineqartartut imaluunniit NFE immikkoortortamut atasuulluni immikkoortortaavoq, tassani piginneqataassutit pappiaranik aningaasanik nalilinnik niuerfimmi pilersinneqarsimasut akuttunngitsumik niuerutigineqartartut.
- 3) NFE tassaavoq pisortani immikkoortortaq, nunani tamalaani suleqatigiffik, qitiusumik aningaaserivik imaluunniit immikkoortortaq tamakkiisumik qulaani allassimasumi arlalinnilluunniit pigineqartoq.
- 4) NFE-mi ingerlatat tamakkiusallutik tassaapput, tamakkiisumik ilaannakortumilluunniit ingerlatseqatigiffimmi pigisami ataatsimi arlalinnilluunniit niuernermik ingerlataqartoq imaluunniit aningaaserivimmit allaanerusumi niuernermik ingerlataqartumi aktianik pigisanik atulersinneqartunik imaluunniit aningaasalersuisumik kiffartuussisumillu pigisaqarneq, ilanngunnagilli immikkoortortaq taamatut inisisimanissamut piukkunnaateqanngitsoq, immikkoortortaq aningaasalersuisarfittut ingerlataqarpal imaluunniit ingerlatsisuusaarpat, assersuutigalugu private equity-fond, annaasaqaataasinnaasunut aningaasaatinut aningaasaateqarfik, leveraged buyout-fond imaluunniit aningaasalersuisarnermi sakku, ingerlatseqatigiffinnik pissarsinissamik imaluunniit aningaasalersuinissamik siunertaqartoq tamatumalu kingorna ingerlatseqatigiffinni taakkuni aningaasalersuinissamut siunertanut sanaartornermi pigisatut piginneqataassutitut pigalugit.
- 5) NFE suli niuernermik ingerlataqanngilaq aamma siusinnerusukkut ingerlatsinermiit oqaluttuassartaqarnani, kisianni aningaaserivimmi ittumit suliffimmit allaanerusumik niuernermik allamik ingerlatsinissamut siunertaqartumik aningaasaatinini piginneqataassutinut aningaasaliissutigalugit, naatsorsuutigalugu NFE-p aallaqqammut pilersinneqarneranut ullormiit qaammatit 24-it kingorna ullup kingorna taamatut ilaatsinnginnermut NFE pisinnaatitaanngitsoq.
- 6) NFE ukiuni kingullerni tallimani aningaaseriviusimangilaq aamma pigisani nalillit tunilerlugit imaluunniit aningaaserivimmi ittumit suliffimmit allaanerusumik niuernermik allamik ingerlatsinissap

nanginnissaanik imaluunniit aallarteqqinnejarnissaanik siunertaraluni allanngorluni aaqqissuussilersoq.
7) NFE tassaaneruvoq Immikkoortortat atassuteqartut, aningaaseriviunngitsut peqatigalugit imaluunniit sinnerlugit aningaasalersuinermerik imaluunniit hedgemik nuussisarnernik suliaqartartoq aamma immikkoortortamut arlaannulluunniit, immikkoortortamut atasuunngitsumut aningaasalersuinngitsoq imaluunniit hedgemut akiliuteqarneq ajortoq, naatsorsuutigalugu immikkoortortat atasut taamatut ittut aningaaserivimmit ittumi suliffimmik allaaneruseumik niuerikkut ingerlataqarnermerik allamik anneruseumik ingerlataqartuullutik.

8) NFE-p piumasaqaatit tulliuttut uku tamaasa naammassissavai:

- a) inatsisitigut oqartussaaffimmi najugaqarfigisamini pilersinneqarsimavoq ingerlanneqarlunilu, taamaallaat upperisarsiornermerik, ajunngitsuliornermerik, ilisimatusarnermerik, eqqumiitsuliornermerik, kulturimik, timersornermerik imaluunniit ilinniartitaanermik siunertaqartoq, imaluunniit inatsisitigut oqartussaaffimmi najugaqarfigisamini pilersinneqarsimavoq ingerlanneqarlunilu, aamma sulianut tunngasuni suleqatigiiffiulluni, inuussutissarsiortut kattuffigalugu, niuertut kattuffigalugu, sulisartut kattuffigalugu, nunaatilli imaluunniit naasorissaasut suleqatigiiffigalugu, innuttaasut peqatigifffigalugu imaluunniit suleqatigiiffik inuit atugarissaarnerannik siuarsanermik taamaallaat ingerlataqartoq,
- b) inatsisitigut oqartussaaffimmi najugaqarfigisamini isertitat akileraarusersornissaannut ilaatinneqanngilaq,
- c) piginneqataasoqanngilaq imaluunniit ilaasortaqanngilaq taassuma isertitaanik imaluunniit pigisaanik nalilinnik piginnittumik imaluunniit inatsisit malillugit piginneqataasumik,
- d) inatsisitigut oqartussaaffigisami, NFE-p najugaqarfigisaani inatsisit atuuttut imaluunniit NFE-p pilersinneqarnerani uppernarsaatit NFE-p isertitaasa ilaanik pissarsinissaq akuerineqanngilaq imaluunniit pigisat nalillit inuinnarnut imaluunniit immikkoortortamut ajunngitsuliorlungitsumut iluaqutaasunik agguagarsisitsisarani, NFE-p ajunngitsuliorluni ingerlataanik ingerlataqarnerup malitsigisai, imaluunniit kiffartuussisimanermut naammaginartumik akissarsiatut akiliutit imaluunniit akiliutit NFE-p pisiarisimasai illut pigisalluunniit niuerfimmi nalinginut naammaginartumik naapertuutt eqqaassanngikkaanni, aamma
- e) inatsisitigut oqartussaaffigisami, NFE-p najugaqarfigisaani inatsisit atuuttut, NFE-p pilersinneqarnerani uppernarsaatit piumasarippassuk NFE-p pigisai nalillit tamarmik immikkoortortap akiliisinnaajunnaarnerani atorunnaarsinneraniluunniit Pisortani immikkoortortamut imaluunniit allamut iluanaaruteqarniarluni suleqatigiiffimmut agguagassarsianngortinneqassapput imaluunniit naalakkersuisunut inatsisitigut oqartussaaffigisami, NFE-p najugaqarfigisaaniittumut tussallutik imaluunniit tassani politikkikkut immikkoortortamut.

Assigiinngitsut

§ 48. Oqariartaaseq "kontomik piginnittoq" isumaqarpoq inuk aningaaseriviup kontomik ingerlatsisup pilersissimasa imaluunniit aningaaserivimmi kontomik piginnittutut kinaassusiatut uppernarsarsimasa.

Imm. 2. Inuk, aningaaseriviunngitsoq, aamma inuup allap piginnaatitaatut, toqqorsisuatut, aqutsisuatut, atsiorsinnaatitaasuatut, aningaasalersuinermerik siunnersuisuatut imaluunniit akunnermiliuttuatut iluaqutaasumik taassuma akiligaanik aningaaserivimmi kontomik piginnittutut kontomi piginnittusut isigineqanngilaq, taannalu inuk alla kontomik piginnittut isigineqarluni.

Imm. 3. Sillimmasiinermik isumaqatigiissut aningaasanik naleqartoq imaluunniit taarsigassarsiat

assigiaartumik taarsorsorneqarnissaannik isumaqtigiissut eqqarsaatigalugit kontomik piginnittooq tassaavoq kinaluunniit inuk, aningasat nalinginut pissarsisinnaatitaasoq imaluunniit isumaqtigiissut malillugu iluaquisiinermik allannguisinnaasoq. Inuit arlaannaalluunniit aningasat nalinginut pissarsisinnaanngippata imaluunniit iluaquisiineq allangortissinnaanngippagu, kontomik piginnittooq tassaassaaq kinaluunniit inuk isumaqtigiissummi piginittut eqqaaneqartoq aamma kinaluunniit inuk isumaqtigiissummi piumasaqaatit malillugit inuttut akiliinissamut pisussaaffeqartoq. Sillimmasiinermik isumaqtigiissut aningasanik naleqartoq imaluunniit taarsigassarsiat assigiaartumik taarsorsorneqarnissaannik isumaqtigiissut naapertorlugu aningasanik tigusinerit aallartinneqarpata inuk kinaluunniit, isumaqtigiissut malillugu akiliutinik tigusinissamut pisinnaatitaasoq, kontomik piginnittutut isigineqassaaq.

§ 49. Oqariartaaseq "AML/KYC-mi suleriaatsit" isumaqarpoq pinerlunnikkut aningasarsiat aningaaserivimmit inissinneqartarneri pillugu inatsit imaluunniit piumasaqaatit taamaaqatai, aningaaseriviup nalunaaruteqartussaatitaasup malitassai malillugit sullitanut naleqqiullugu tulluartumik peqqissaarnissaq pillugu aningaaseriviup nalunaaruteqartussaatitaasup suleriaasia.

§ 50. Oqariartaaseq "immikkoortortaq" isumaqarpoq inatsisitigut pisinnaatitaasoq pisussaasorlu imaluunniit inatsisitigut aaqqissuussineq soorlu ingerlatseqatigiiffik, soqtigisaqaqatigiiffik, aningasaateqarfik.

§ 51. Immikkoortortaq "immikkoortortamut atasumut" immikkoortortamut allamut atassaaq
1) immikkoortortat arlaata Immikkoortortamik allamik nakkutilliippat,
2) immikkoortortat taakku marluk ataatsimut nakkutigineqarpata, imaluunniit
3) immikkoortortat taakku marluk tassaappata § 8, imm. 1, nr. 2-mi allaaserineqartutut aningasalersuisarfimmi immikkoortortasut ataatsimoortillugit aqunneqarpata, taamatullu aqtsinerup aningasalersuisarfinni immikkoortortanut taamatut ittunut tulluartumik peqqissaarnissaq pillugu pisussaaffinnik naammassinnippat.

Imm. 2. Imm. 1-ip atorneqarneranut ilaavoq immikkoortortami taasinerit nalingatalu 50 pct.-it sinnerlugit toqqaannartumik toqqaannanngitsumilluunniit piginnittuunermik nakkutilliineq.

§ 52. Oqariartaaseq "akileraartartup normua" isumaqarpoq akileraartartussaasup kinaassusiatut normua, imaluunniit akileraartartup normuanik peqannginnermi siunertamut tassunga naapertuuttoq.

§ 53. Oqariartaaseq "uppernarsaatitut allagartaq"-mut ilaapput tulliuttuni ataaseq arlallilluunniit:
1) nunap najugarisap uppernarsaataa oqartussatut immikkoortup piginnaatitaasup atulersitaa, soorlu assersuutigalugu naalagaaffimmi oqartussat, oqartussani immikkoortoq alla imaluunniit kommuni, inatsisitigut oqartussaaffigisami akiliinermik tigusisuusup najugaqarfigisaatut oqaatigisaani.
2) inuk eqqarsaatigalugu: Uppernarsaat atuuttoq sunaluunniit oqartussani immikkoortumit piginnaatitaasumit atuuttussangortinnejqarsimasoq, soorlu assersuutigalugu naalagaaffimmi oqartussat, oqartussani immikkoortoq alla imaluunniit kommuni, inuup aqqa ilaasoq, amerlanertigullu kinaassutsip uppernarsarnissaanik siunertanut atorneqartartoq.
3) immikkoortortaq eqqarsaatigalugu: Uppernarsaat atuuttoq sunaluunniit oqartussani immikkoortumit

piginnaatitaasumit atuuttussanngortinneqarsimasoq, soorlu assersuutigalugu naalagaaffimmi oqartussat, oqartussani immikkoortoq alla imaluunniit kommuni, immikkoortortap aqqa aamma inatsisitigut oqartussaaffigisami taassuma qullersaqarfiata najugaqarfingisaatut oqaatigisaani najugaa ilaalluni, imaluunniit inatsisitigut oqartussaaffik, immikkoortortap nalunaarsorsimaffigisaa imaluunniit pilersinnejarfia.

4) ukiumut naatsorsuutit kukkunersiukkat, peqataannngitsup allap akiligassat pillugit nalunaarusiaa, akiliisinnaajunnaarnermik qinnuteqarneq imaluunniit pappiaranik aningaasanik nalilinnik nakkutilliisunit oqartussanit nalunaarusiaq.

Imm. 2. Immikkoortortap qullersaqarfiata najugaa nalinginnaasumik tassaavoq sumiiffik piviusumik aqutsisut sumiiffigisaat. Immikkoortortap kontomi ingerlatsiffigisaani aningaaseriviup najugaani postboks imaluunniit najugaq, taamaallaat allakkanik nassiussinernut atorneqartoq, tassaangilaq Immikkoortortap qullersaqarfiata najugaa, najugaq taamatut ittoq immikkoortortami atorneqartutuaanngippat aamma immikkoortortap pilersinnejarneranut upternarsaatini Immikkoortortap najugaatut nalunaarsugaasutut saqqumippat. Aammattaaq najugaq, najukkamut pineqartumut allakkat tamarmik toqqorsimanissaat pillugu ilitsersuummi allassimasoq, tassaangilaq immikkoortortap qullersaqarfiata najugaa.

Imm. 3. Immikkoortortap kontoa pioereersoq eqqarsaatigalugu aningaaseriviit nalunaaruteqartussaaitaasut upternarsaatitut allagartatut aningaaseriviup nalunaaruteqartussap kontomik piginnittumi toqqorsivini immikkoortiterineq sunaluunniit atorsinnaavaa, taanna suliffiup qanoq ittuuneranut aaqqissuussinermi assigiissaagaasut tunngavigalugit aalajangersagaasoq, AML/KYC-imi suleriaatsit allalluunniit malittarisassaqartitsinermi siunertat siunertaralugit nalinginnaasumik niuernermik ingerlatsinera naapertorlugu aningaaseriviup nalunaaruteqartussamit nalunaarsorneqarsimasoq, akileraartarnikkut siunertat eqqaassanngikkaanni, aamma aningaaserivimmi kontop kontotut pioeresutut immikkoortiternerani ullup siornatigut aningaaserivimmit nalunaaruteqartussamit isumagineqarsimasoq, naatsorsuutigalugu aningaaseriviup nalunaaruteqartussap taamatut immikkoortiterineq kukkususoq imaluunniit tatiginartuunngitsoq ilisimanagu imaluunniit ilisimassallugu tunngavissaqanngitsoq.

Imm. 4. Oqariartaaseq "suliffiup qanoq ittuuneranut aaqqissuussinermi assigiissagaq" isumaqarpoq ilisarnaatitigut aaqqissuussineq, akileraartarnikkut siunertanut allaanerusunut suliffeqarfifit qanoq ittuuneri malillugit suliffeqarfifit immikkoortiterinerinut atorneqartartoq.

Kapitali 2

Nalunaarsuineq

§ 54. Aningaaserivik nalunaarsuisuusoq aningaaserivittut nalunaarsuisutut inissinnermi kingorna kingusinnerpaamik ullut arfineq pingasut qaangiutsinnagit tamanna pillugu Akileraartarnermut Aqutsisoqarfimmut nalunaaruteqassaaq.

Imm. 2. Nalunaarneq immikkut immersuuffissakkut, Akileraartarnermut Aqutsisoqarfimmi pissarsiarineqarsinnaasumi ingerlanneqarsinnaavoq imaluunniit Akileraartarnermut Aqutsisoqarfifit erseqqinnerusumik ilitsersuussineratigut elektroniskimik isumagineqarsinnaalluni.

Imm. 3. Suliffeqarfik aningaaserivimmut nalunaaruteqartussamut ilaanersoq pillugu nalornineq nalunaaruteqannginnissamut pisussaatitsinngilaq. Taamatut pisuni nalunaarummut ilanngunneqassaaq suliffeqarfik nalunaaruteqartussaaitaasoq pillugu nassuaat, tamatumalu kingorna Akileraartarnermut

Aqutsisoqarfik nalunaarsuineq pillugu aalajangiissalluni.

Imm. 4. Nalunaaruteqarnermi aningaaserivik nalunaaruteqartoq uku pillugit paassisutissiissaq

- 1) ateq, najugaq kommunilu najugaq,
- 2) taassuma ger-normua,
- 3) aningaaserivittut nalunaaruteqartussatut inisisimalernerup atuutilerneranut ulloq aamma
- 4) nalunaaruteqartussaatitaanerup qanoq ittuunera.

Imm. 5. Aningaaserivik nalunaaruteqartussaq GER-normoqarluni nalunaarsugaanngippat nalunaarsuiffit taakku arlaanni nalunaarsuisoqassaaq.

Imm. 6. Nalunaarsuinerup kingorna nalunaarsorneqarnermut uppermarsaat nalunaarsuinermi paassisutissanik imaqaqtoq Akileraartarnermut Aqutsisoqarfup aningaaserivimmum nalunaaruteqartussamut nassiutissavaa.

Imm. 7. Nalunaarsuinerup kingorna paassisutissani nalunaarutigineqartuni allanngortoqarpal, tassunga ilanngullugu aningaaserivittut nalunaaruteqartartutut inisisimanerup atorunnaarnera, imaluunniit paassisutissani nalunaarsorneqartuni kukkusqarsimanera paasineqarpal, allannguinerup pineraniit imaluunniit kukkunerup paasineraniit ullut arfineq pingasut qaangiutsinnagit tamanna pillugu nalunaaruteqartussaatitaasoq Akileraartarnermut Aqutsisoqarfimmum allakkatigut nalunaaruteqassaaq. Tamatuma kingorna nalunaarsugaanermut uppermarsaat nutaaq Akileraartarnermut Aqutsisoqarfup nassiutissavaa, aamma nalunaaruteqartussaatitaanerup naanerani nalunaarsugaanerup unitsinnejnarnera pillugu nalunaaruteqarluni.

Kapitali 3

Peqqissaartumik periuseqarnermut tunngatillugu nalinginnaasumik piumasaqaatit

§ 55. Konto kapitali 3-8-imí peqqissaartumik periuseqarnissaq pillugu suleriaatsit naapertorlugit kontotut nalunaarutigineqartussaaffiusutut ullormiit taamatut suussuserneraniit suliarineqassaaq aamma kontomut nalunaarutigineqartussaaffiusumut tunngatillugu paassisutissat, allamik aalajangersaasoqanngippat, ukiup paassisutissanut tunngasuusut kingorna qaammatisiutit ukiuanni ukiumoortumik nalunaarutigineqartassapput.

§ 56. Aningaaserivik nalunaaruteqartoq, kapitali 3-8-mi suleriaatsit malillugit kontomik nunanut allanut, Savalimmiunut imaluunniit Danmarkimut atassuteqartumik paasisaqartoq, suleriaatsit naammassineqarnerini piffissami konto nalunaarutigineqartussaaffiunngitsoq, siunissami nalunaaruteqarnissamut pisussaaffit naammassineqarnissaat siunertaralugu taamatut suleriaatsit inernerinik atuisinnaavoq.

§ 57. Kontomi killiffik imaluunniit nalit qaammatisiutit ukiuanni ullormi kingullermi aalajangersarneqassapput.

§ 58. Qaammatisiutit ukiuanni ullormi kingullermi killiffik imaluunniit nalit killingi aalajangersarneqarpata qaammatisiutit ukiuata pineqartup naanerani piffissami nalunaaruteqarfiusussami ullormi kingullermi killiffik imaluunniit nali attuumassuteqartoq aalajangersarneqassaaq.

§ 59. Aningaaseriviit nalunaaruteqartut kontoni pioreersuni kontonut nutaanut atuuttut peqqissaartumik periuseqarnissamut suleriaatsit, aamma qaffasissumik nalilinnut kontonut, appasissumik nalilinnut kontonut atuuttunut peqqissaartumik periuseqarnissamut suleriaatsit atorsinnaavaat. Kontoni pioreersuni kontonut nutaanut atuuttut peqqissaartumik periuseqarnissamut suleriaatsit aningaaserivimmit atorneqarneri apeqquataatinnagu, kontonut pioreersunut atuuttut allat maleruagassat suli atuutissapput.

§ 60. Pisuni allanngornermut ilaavoq allanngorneq sunaluunniit, inuup killiffianut tunngasunik paassisutissanik nutaanik kinguneqartoq, imaluunniit allatigut inuup killiffianut akerliusut. Pisuni allanngornermut aamma ilaavoq kontomik piginnittup kontoanut paassisutissanik allannguineq imaluunniit ilanngussineq, tassunga ilanngulligit kontomik piginnittumut atatillugu ilanngussineq, taarsiineq imaluunniit allannguinerit allat, imaluunniit kontot kattunnerat pillugu maleruagassat atornerini kontomut taamatut ittumut atasumut kontomut paassisutissanik allannguineq imaluunniit ilanngussineq, tak. §§ 98-100, paassisutissanik taamatut allannguineq imaluunniit ilanngussineq kontomik piginnittup killiffianut sunniuteqarpat.

Imm. 2. Aningaaserivik nalunaaruteqartoq § 62-imi allaaserineqartumik najugaqarfimmik misiliinermik atusimappat, aamma pisuni allannguisoqarsimappat tamatuma kingunerisaanik aallaqqaammut uppernarsaatitut allagartaq imaluunniit taamaaqataanik uppernarsaat kukkusuuusoq imaluunniit tatinanngitsuusoq aningaaserivik nalunaaruteqartoq ilisimasaqalerluni imaluunniit ilisimasaqalernissamut tunngavissaqarluni, qaammatisiutit ukiuanni ullormi kingullermi imaluunniit nalunaarutip imaluunniit pisuni taamatut allannguisoqarsimaneranik paasisaqarnerup kingorna ullorsiummi ullut 90-it kingusinnerpaamik kingorna nammineq nalunaarummik aamma Uppernarsaammut allagartamik nutaamik, kontomik piginnittup akileraartarnikkut najugaqarfianik imaluunniit najugaqarfiinik aalajangersaasumik pissarsiniassaaq.

Imm. 3. Imm. 2 malillugu ulloq taanna sioqullugu nammineq nalunaarummik aamma uppernarsaammut allagartamik nutaamik aningaaserivik nalunaaruteqartussaq pissarsisinnaanngippat §§ 63-67-imi allaaserineqartutut elektronikkikut pigisani nalilinni ujaasinissamut suleriaaseq aningaaserivik nalunaaruteqartartup atussavai.

Kapitali 4

Inuup kontoinut pioreersunut peqqissaartumik periuseqarneq

Tamanut tunngasut

§ 61. Kapitali matumani suleriaatsit Inuit kontoinut pioreersut eqqarsaatigalugit atorneqarput.

Appasisumik nalilinnut kontot

§ 62. Aningaaserivik nalunaaruteqartoq uppernarsaarnermut allagartaq tunuliaqtalarugu kontomik piginnittunut ataasiakkaanut maannakkut najugarisaannut toqqusimappata, kontomik piginnittut ataasiakkaat taamaattut inuttut nalunaarutigineqartussaanersoq aalajangiiffiginiarlugu

najugaqarfigisamiittut inatsisitigut oqartussaaffigisami akileraartarnikkut najugaqartutut kontomik piginnittut ataasiakkat inuttut aningaaseriviup nalunaaruteqartup suliarisarsinnaavai.

§ 63. § 62-imi aalajangersarneqartutut aningaaseriviup nalunaaruteqartup uppernarsaanermut allagartaq tunuliaqutaralugu kontomik piginnittut ataasiakkaat maannakkut najugaqarfiat tunngaviginngippagu §§ 64-67-ip atorneqarnerani pasinartut uku siunertaralugit aningaaserivimmi nalunaaruteqartumi toqqortarineqartumi elektroniskimik ujaasiffigineqarsinnaasunik nalunaarsukkanik misissuissaq:

- 1) kontomik piginnittup nunani allani, Savalimmiuni imaluunniit Danmarkimi najugaqartut kinaassusernera.
- 2) nunani allani, Savalimmiuni imaluunniit Danmarkimi maannakkut allakkatigut imaluunniit najugaqarfigisaq, tassunga ilanngullugu postboksimi najugaq.
- 3) nunani allani, Savalimmiuni imaluunniit Danmarkimi oqarasuaatikkut ataatsimik arlalinnilluunniit normoqarneq aamma Kalaallit Nunaanni oqarasuaatikkut normoqannginneq.
- 4) aningaasat kontomut nunami allami, Savalimmiuni imaluunniit Danmarkimi ingerlanneqartumut pillugit ilitsersuutit nuunneqarnissaat, aningaasaliinermi kontop eqqarsaatiginera ilanngunnagu.
- 5) inummut nunami allami, Savalimmiuni imaluunniit Danmarkimi najugaqartumut tunniussaq piginnaatitsisut atuuttoq imaluunniit atsiorsinnaatitaaneq.
- 6) nunami allami, Savalimmiuni imaluunniit Danmarkimi toqqorsinissamut ilitsersuut imaluunniit c/o-najugaq, kontomik piginnittumi najugaqarfimmik allamik aningaaserivik nalunaaruteqartoq nalunaarsugaqanngippat.

§ 64. § 63-imi allanneqartut pasinartut arlaat elektroniskimik ujaasinermi paasineqanngippata annertunerusumik iliuuseqarnissamut pisussaaffeqanngilaq, pisuni allangortoqarnissaata tungaanut, kontomut atatillugu ataatsimik arlalinnilluunniit pasinartoqalerpat, imaluunniit konto qaffasissumik naleqartutut kontonngorpat.

§ 65. § 63, nr. 1-5-imi allanneqartut pasinartut arlaat elektroniskimik ujaasinermi paasineqarpas imaluunniit pisuni allangortoqarpat, kontomut atatillugu ataatsimik arlalinnilluunniit pasinartoqalerluni, aningaaseriviup nalunaaruteqartup kontomik piginnittoq nuani allani, Savalimmiuni imaluunniit Danmarkimi inatsisitigut oqartussaaffiusuni ataasiakkaani akileraartarnermikkut najugaqartutut suliarissavaa, § 67-ip atorneqarnissa toqqarneqanngippat, aamma immikkoortumi tulliuttumi ilaatinneqanngitsut arlaat kontomut tassunga atuutilerluni.

§ 66. qqorsinissamut ilitsersuut imaluunniit c/o-mi najugaq elektroniskimik ujaasinermi paasineqarpas aamma najugaq alla aamma § 63, imm. 1, nr. 1-5-imi allanneqarsimasut pasinartut arlaannaalluunniit kontomik piginnittumut suussuserneqanngippata aningaaserivik nalunaaruteqartoq pisuni naleqqunnerpaamik tulleriaaluni

- 1) § 69, imm. 2-mi allaaserineqartutut pappiaranut toqqorsivinni ujaasineq atussavaa, aamma
- 2) kontomik piginnittumiit nammineq nalunaarummik imaluunniit uppernarsaammut allagartamik pissarsiniarniassaaq, tassani aalajangerneqarsinnaalluni kontomik piginnittumut tassunga akileraartarnikkut najugaqarfik ataaseq arlallilluunniit.

Imm. 2. Pappiaranik toqqorsivimmi ujaasineq pasinartunik nassaarfiunngippat aamma nammineq nalunaarummik imaluunniit upternarsaammut allagartamik pissarsiniarneq angusaqarfiunngippat, aningaaseriviup nalunaaruteqartup konto kontotut upternarsarneqarsimangitsutut Akileraartarnermut Aqutsisoqarfimmut nalunaarutigissavaa.

§ 67. § 63-imi pasinartunik paasinnittoqarnersoq apeqquaatinngu nunami allami imaluunniit Savalimmuni imaluunniit Danmarkimi inatsisitigut oqartussaaffini kontomik piginnittup najugaqarneratut aningaaserivik nalunaaruteqartoq suliarinninnissamut pisussaaffeqanngilaq:

- 1) kontomik piginnittooq pillugu paasissutissanik makkuninnga imaqrpoq: nunami allami imaluunniit Savalimmuni imaluunniit Danmarkimi inatsisitigut oqartussaaffimmie pineqartumi maannakkut allakkatigut najugaqarnera, Kalaallit Nunaanni oqarasuaatikkut normoqarnani nunami allami imaluunniit Savalimmuni imaluunniit Danmarkimi inatsisitigut oqartussaaffimmie pineqartumi ataatsimik arlalinilluunniit oqarasuaatikkut normoqarnera, imaluunniit nunami allami imaluunniit Savalimmuni imaluunniit Danmarkimi inatsisitigut oqartussaaffimmie ingerlanneqartumik kontomut aningaasanik nuussinissaq pillugu aningaasaliinermi kontot eqqaassanngikkaanni aningaaserivimmi kontot eqqarsaatigalugit iltsersuuteqarluni, aamma aningaaserivik nalunaaruteqartoq toqqorsimasanik upternarsatinik pissarsiniarsimalluni imaluunniit siusinnerusukkut misissuisimalluni imatut ittumik:
 - a) inatsisitigut oqartussaaffimmut pineqartumut ilaangitsumi nunami allami imaluunniit Savalimmuni imaluunniit Danmarkimi inatsisitigut oqartussaaffik, kontomik piginnittup najugaqarfia pillugu kontomik piginnittumiit nammineq nalunaarut, aamma
 - b) upternarsaammut allagartaq, tassani aalajangerneqarluni kontomik piginnittup inatsisitigut oqartussaaffimmie pineqartumi akileraartarnikkut najugaqanngitsunera.
- 2) kontomik piginnittooq pillugu paasissutissanik makkuninnga imaqrpoq: nunami allami imaluunniit Savalimmuni imaluunniit Danmarkimi inatsisitigut oqartussaaffiusumi tassani najugaqartumut inummut piginnaatisssut atuuttoq imaluunniit atsiorsinnaatitaaneq, aamma aningaaserivik nalunaaruteqartoq toqqorsimasanik upternarsatinik pissarsiniarsimalluni imaluunniit siusinnerusukkut misissuisimalluni imatut ittumik
 - a) inatsisitigut oqartussaaffimmut pineqartumut ilaangitsumi nunami allami imaluunniit Savalimmuni imaluunniit Danmarkimi inatsisitigut oqartussaaffik, kontomik piginnittup najugaqarfia pillugu kontomik piginnittumiit nammineq nalunaarut, aamma
 - b) upternarsaammut allagartaq, tassani aalajangerneqarluni kontomik piginnittup inatsisitigut oqartussaaffimmie pineqartumi akileraartarnikkut najugaqanngitsunera.

Qaffasissumik naleqartunut kontonut annertusisamik ujaasinermi suleriaatsit.

§ 68. Aningaaserivik nalunaaruteqartoq qaffasissumik nalillit kontot eqqarsaatigalugit § 63-imi allaaserineqartut pasinartut tamaasa pillugit aningaaserivimmit nalunaaruteqartumit toqqorneqarsimasut elektroniskimik ujaasiffiqineqarsinnaasut nalunaarsukkat misissussavai.

§ 69. Aningaaseriviup nalunaaruteqartartup nalunaarsuiffia elektroniskimik ujaasiffiqineqarsinnaasoq § 70-imi allaaserineqartutut paasissutissanut tamanut immersuiffissami tigusiffiusinnaasunillu imaqrpat pappiaranik toqqorsivimmi ujaaseqqinnissamut pisussaaffeqanngilaq.

Imm. 2. Nalunaarsuiffit elektroniskiusut paassisutissanik tamanik ujaasisinnaanngippata aningaaserivik nalunaaruteqartoq, qaffasissumik naleqartunut kontot eqqarsaatigalugit, aamma sullitanut maanna allagaatigisani ujaassisaaq aamma, taakku maannakkut sullitanut allagaatigisaniinngippata, kontomut atasut allagaatit uku, ukiut kingulliit tallimat iluanni aningaaseriviup nalunaaruteqartup pissarsiarisimasa, § 63-imi allaaserineqartut pasinartut ataasiakkaat pillugit:

- 1) konto eqqarsaatigalugu uppernarsaatitut allagartaq kingulleq aaneqarsimasoq,
- 2) kontomik pilersitsineq pillugu isumaqtigiissut imaluunniit uppernarsaat kingulleq,
- 3) AML/KYC-mi suleriaatsit imaluunniit killilersuinermi siunertat allat naapertorlugit aningaaserivimmit nalunaaruteqartumit pissarsiarineqarsimasut allagaq kingulleq,
- 4) piginnaatitsissut imaluunniit atsiorsinnaatitaaneq atuuttoq sunaluunniit, aamma
- 5) aningaasanik nuussineq pillugu ilitsersuutit atuuttut suulluunniit, aningaasaliinermi konto eqqarsaatigalugu ilangunnagu.

§ 70. Aningaaseriviup nalunaaruteqartup paassisutissaatai elektroniskimik ujaasiffigineqarsinnaasut paassisutissanik ukuninnga imaqpata § 69, imm. 2-imi allaaserineqartutut pappiaranik toqqorsivimmi ujaasinissamut aningaaserivik nalunaaruteqartoq pisussaaffeqanngilaq:

- 1) kontomik piginnittup najugaa,
- 2) kontomik piginnittup najugaa aamma allakkatigut najugaa, piffissami pineqartumi aningaaserivimmi nalunaaruteqartumi nalunaarsugaasoq,
- 3) kontomik piginnittup oqarasuaatini normua imaluunniit normui, piffissami pineqartumi aningaaserivimmi nalunaaruteqartumi nalunaarsugaasoq,
- 4) aningaaserivimmi kontoqartillugu, aningaasaliinermi kontot ilangunnagit, kontomit kontomut allanut aningaasanik nuussinissaq pillugu ilitsersuuteqarnersoq, tassunga ilangullugu aningaaserivimmit nalunaaruteqartumit immikkoortortami allami imaluunniit aningaaserivimmi allami konto,
- 5) Kontomik piginnittooq pillugu atuuttumik c/o-najugaq imaluunniit toqqorsinissamut ilitsersuut, aamma
- 6) konto pillugu piginnaatitsisoqarnersoq imaluunniit atsiorsinnaatitaasoqarnersoq.

§ 71. §§ 68 aamma 69-imi allaaserineqartutut toqqorsivinni elektroniskiusuni aamma pappiaranik toqqorsivinni ujaasinerit saniatigut, sullitamut akisussaasoq kontomik piginnittooq nunami allami, Savalimmuni imaluunniit Danmarkimi Inuuseq pillugu ilisimasaqaruni, sullitamut akisussaasut tunniunneqarsimasut qaffasissumik naleqartut kontot suulluunniit aningaaserivimmit nalunaaruteqartumit kontotut nalunaaruteqartussaasutut suliarineqassapput, tassunga ilangullugu aningaaserivimmi konto sunaluunniit qaffasissumik naleqartunut kontomut tassunga ilangunneqartut.

§ 72. § 63-mi allanneqartut pasinartut arlaat §§ 68-71-imi allaaserineqartutut qaffasissumik naleqartumik kontonik annertusisamik misissuinermi paasineqanngippata aamma § 71 malillugu konto nunami allami, Savalimmuni imaluunniit Danmarkimi Inummit pigineqartutut kinaassusersineqanngippat, annerusumik iliuuseqarnissamut pisussaaffeqanngilaq, kontomut atatillugu pasinartumut ataatsimut arlalinnulluunniit atassuserneqartumik pisuni allanngortoqarnissaata tungaanut.

Imm. 2. § 63, nr. 1-5-imi allanneqartut pasinartut arlaat §§ 68-71-imi allaaserineqartutut qaffasissumik naleqartunik kontonik annertusisamik ujaasinermi paasineqarpata, imaluunniit tamatuma kingorna kontomut atassuserneqarsinnaasumik pasinartumik ataatsimik arlalinnilluunniit inerneqartumik pisuni

allanngortoqarpat, aningaaseriviup nalunaaruteqartup kontomik piginnittoq nunani allani imaluunniit Savalimmuni imaluunniit Danmarkimi inatsisitigut oqartussaaffigisami akileraartarnikkut najugaqartutut suliarissavaa, § 67-ip atorneqarnissa toqqrneqanngippat aamma immikkoortumi pineqartumi ilaatinneqanngitsut arlaat kontomut tassunga atuuppata.

Imm. 3. §§ 68-71-imí allaaserineqartutut qaffasissumik naleqartunik kontonik annertusisami ujaasinermi toqqorsinissamut ilitsersuut imaluunniit c/o-najugaq nassaarineqarpat aamma § 63, imm. 1, nr. 1-5-imí allanneqartunik allamik najugaqarneq pasinartullu allat kontomik piginnittumut atasutut nassaarineqanngippata, kontomik piginnittumut tamatuminnga imaluunniit akileraartarnikkut najugaqarfimmik aalajangersaasinaasumik kontomik piginnittumit tassanngaanniit nammineq nalunaaruteqarneq imaluunniit uppernarsaanermut allagartamik aningaaserivik nalunaaruteqartoq pissarsiniassaaq. Nammineq nalunaarummik taassuminnga imaluunniit uppernarsaammik allagartamik taassuminnga aningaaserivik nalunaaruteqartoq pissarsisinnaanngippat kontotut uppernarsarneqanngitsutut konto Akileraartarnermut Aqutsisoqarfimmut nalunaarutigineqassaaq.

§ 73. Inuup kontoa pioereersoq ulloq 31. december 2015-imí qaffasissumik naleqartut kontonngippat, kisiannili ukiumi tulliuttumi ullormiit kingullermiit qaffasissumik naleqartutut kontonngorpat kontop qaffasissumik naleqartutut kontonngornerani ukiup kingorna ukiumi taamatut kontonera eqqarsaatigalugu §§ 68-71-imí allaaserineqartutut annertusisamik misissuinissamut suleriaat qningaaseriviup nalunaaruteqartup naammassissavai.

Imm. 2. Taamatut misissuineq tunngavigalugu konto taamatut ittoq kontotut nalunaarutigineqartussaasutut paasineqarpat ukioq kontotut nalunaarutigineqartussaasutut paasineqarfia aamma ukiut tulliuttut ukiukkaartut eqqarsaatigalugit konto pineqartoq pillugu paassisutissani piumasarineqartunik aningaaserivik nalunaaruteqartoq nalunaaruteqassaaq, kontomik piginnittoq inuttut nalunaarutigineqartussaatut atuukkunnaarsimannngippat.

§ 74. Qaffasissumik naleqartunut kontomi § 68-71-imí allaaserineqartunik annertusisami misissuinermi suleriaatsit aningaaserivimmit nalunaaruteqartumit atorneqarpata taamatut suleriaatsini atueqqinnissamut aningaaserivik nalunaaruteqartoq pisussaaffeqanngilaq, ukiumi tulliuttumi qaffasissumik naleqartunik kontomi tassani § 71-imí allaaserineqartutut sullitamut akisussaasumut apeqquteqaatinut atasut eqqaassanngikkaanni, konto uppernarsarneqarsimannngippat, taamaattoqartillugu aningaaseriviup nalunaaruteqartup taakku ukiukkaartumik atortariaqartassavai, kontop taassuma uppernarsarneqarsimannngitsutut inissimajunnaarnissaata tungaanut.

§ 75. Kontomut atatinneqarsinnaasumik § 63-imí allaaserineqartutut pasinartumik ataatsimik arlalinnilluunniit inerneqartumik qaffasissumik naleqartoq konto eqqarsaatigalugu pissutsini allanngortoqarpat, nunani allani imaluunniit Savalimmuni imaluunniit Danmarkimi inatsisitigut oqartussaaffiusuni akileraartarnikkut najugaqartutut kontomik piginnittoq aningaaserivimmit nalunaaruteqartumit suliarineqassaaq, § 67-ip atorneqarnissa toqqrneqanngippat, aamma immikkoortumi pineqartumi ilaatinneqanngitsut arlaat kontomut tassunga atuuppata.

§ 76. Kontomut tunngatillugu pissutsit sunilluunniit allannguinernik sullitanut akisussaasup paasisaqarnissaanik qulakkeerisumik suleriaatsinik aningaaserivik nalunaaruteqartoq atulersitsissaaq.

Sullitanut akisussaasoq assersuutigalugu kontomik piginnittooq nunami allami, Savalimmiuni imaluunniit Danmarkimi allakkerivikkut nutaamik najugaqalersoq pillugu ilisimatinneqaruni pissutsini allannguinertut najukkap nutaap sularinissaanut aningaaserivik nalunaaruteqartoq pisussaaffeqarpoq, aamma § 67-ip atorneqarnissaa toqqarneqarpat, kontomik piginnittumiit uppernarsaatnik attuumassuteqartunik pissarsiniarnissamut pisussaaffeqarluni.

Inuit kontoinut piareersunut ataatsimut maleruagassat

§ 77. Qaffasissumik naleqartumik inuup kontoanik piovereersumik misissuineq kingusinnerpaamik ulloq 31. august 2017-imi naammassineqarsimassaaq. Appasissumik naleqartumik inuup kontoanik piovereersumik misissuineq kingusinnerpaamik ulloq 31. december 2017-imi naammassineqarsimassaaq.

§ 78. Inuup kontoa piovereersoq sunaluunniit, nunamut allamut, Savalimmiunut imaluunniit Danmarkimut kontotut atassuteqartutut paasineqarsimasoq ukiuni tulliuttuni tamani nunamut allamut, Savalimmiunut imaluunniit Danmarkimut kontotut atassuteqartutut sularineqassaaq, kontomik piginnittooq nunani allani, Savalimmiuni imaluunniit Danmarkimi inuuusutut inissisimajunnaarsimannngippat.

Imm. 2. Konto aamma siusinnerusukkut kontotut nalunaarutigineqartussaasutut paasineqarsimappat taanna ukiuni tulliuttuni tamani kontotut nalunaarutigineqartussaasutut sularineqassaaq, kontomik piginnittut Inuttut nalunaarutigineqartussatut atorunnaarsimannngippata.

Kapitali 5

Inuit kontoinut nutaanut peqqissaartumik periuseqarneq

§ 79. Inuit kontoi nutaat eqqarsaatigalugit kontomik pilersitsinermi aningaaserivik nalunaaruteqartoq kontomik pilersitsinermi uppernarsaammut ilaassusamik nammineq nalunaarummik pissarsiniassaaq aamma kontomik piginnittooq akileraartarnikkut najugaqarfiani imaluunniit najugaqarfianik aningaaserivik nalunaaruteqartoq aalajangersaasinnaanngorlugu aamma kontomik pilersitsinermut atatillugu aningaaserivimmit nalunaaruteqartumit paasissutissat pissarsiarineqartut tunngavigalugit taamatut nammineq nalunaarutip naammaginartuunera uppernarsarlugu, tassunga ilanngullugu AML/KYC-imi suleriaatsit malillugit uppernarsaatit pissarsiarineqarsinnaasut.

§ 80. Nammineq nalunaaruteqarnerup § 79 naapertorlugu aalajangersarpagu kontomik piginnittooq inatsisitigut oqartussaaffimi peqataasumi akileraartarnikkut najugaqartoq, aningaaseriviup nalunaaruteqartup konto kontotut nalunaarutigineqartussaasutut sularissavaa, aamma nammineq nalunaarummut aamma ilaassalluni kontomik piginnittup Inatsisitigut oqartussaaffimi peqataasumi akileraartartutut normoqartoq, § 104 nangaassutigalugu kiisalu ulloq inuuffik.

§ 81. Inuup kontoa nutaaq eqqarsaatigalugu pissutsini allanngortoqarpat tamatuma kingunerisaanik aallaqqaammut nammineq nalunaarut kukkususoq imaluunniit uppernartuunngitsoq aningaaserivik nalunaaruteqartoq paasisaqarpat imaluunniit tunngavissaqartumik paasisaqarpat, aningaaseriviup nalunaaruteqartup aallaqqaammut nammineq nalunaarut tunngavigisinnaanngilaa aamma kontomik

piginnittup akileraartarnikkut najugaatut imaluunniit najugaqarfisut aalajangersaasumik nammineq nalunaarummik atuuttumik pissarsiniassalluni.

Kapitali 6

Immikkoortortami konto pioreersoq pillugu peqqissaartumik periuseqarneq

§ 82. Immikkoortortami kontot pioreersut tamaasa eqqarsaatigalugit imaluunniit taamatut kontot eqimattat erseqqissumik suussuseqarnerat immikkut eqqarsaatigalugu allamik aningaaserivik nalunaaruteqartoq toqqaasimangippat, kontomi pigisat tamarmiusut imaluunniit ulloq 31. december 2015-mi 1,71 mio. kr.-it sinnerlugit naleqartumik immikkoortortami kontomi pioreersumik kontotut nalunaarutigineqartussaasutut misissuinissamut, suussusersiinissamut imaluunniit nalunaaruteqarnissamut pisussaaffeqanngilaq, kontomiittut tamarmiusut imaluunniit nalingi ukiumi tulliuttumi ullormi kingullermi aningaasat taakku sinnernissaasa tungaannut.

§ 83. Immikkoortortami konto pioreersoq, ulloq 31. december 2015-imi 1,71 mio. kr.-it sinnerlugit ataatsimut uninngasuuteqartoq imaluunniit nalilinnik peqartoq aamma immikkoortortami konto pioreersoq ulloq 31. december 2015-imi aningaasanik taakkuninnga qaangiinngitsoq, taamaattorli ukiumi tulliuttumi ullormi kingullermi aningaasat taakku sinnerlugit ataatsimut kontomiittuuteqartoq imaluunniit nalilinnik peqartoq §§ 85-87-imi eqqartorneqartut suleriaatsit malillugit misissorneqassaaq.

§ 84. § 83-imi allaaserineqartut Immikkoortortami kontot pioreersut eqqarsaatigalugit immikkoortortanit, nunami allami, Savalimmuni imaluunniit Danmarkimi Inummit ataatsimit arlalinnilluunniit kontot pigineqartut kisimik, imaluunniit nunami allami, Savalimmuni imaluunniit Danmarkimi inunnik nakkutilliisumit ataatsimit arlalinnilluunniit pigineqartut nunami allami, Savalimmuni imaluunniit Danmarkimi atasutut kontotut suliarineqassapput.

Imm. 2. § 83-imi allaaserineqartutut immikkoortortami kontot pioreersut eqqarsaatigalugit immikkoortortanit Inuuusunit ataatsimit arlalinnilluunniit nalunaarutigineqartussanit pigineqartut imaluunniit inunnik nakkutilliisumit ataatsimit arlalinnilluunniit nalunaarutigineqartussanit pigineqartut, kontotut nalunaarutigineqartussaasusut suliarineqassapput.

§ 85. § 83-imi allaaserineqartut Immikkoortortami kontot pioreersut eqqarsaatigalugit aningaaseriviup nalunaaruteqartup §§ 86 aamma 87-imi eqqartorneqartut misissuinermi suleriaatsit atussavai.

§ 86. Immikkoortortap akileraartarnikkut sumi najugaqarneranik aalajangiinermi misissuinerit uku ingerlanneqassapput:

- 1) malittarisassatigut imaluunniit sullitamut tunngasut siunertat aallaavigalugit paassisutissanik toqqtarineqartunik misissuineq, tassunga ilanngullugit paassisutissat kontomik piginnittup sumi najugaqarneranik aalajangiinissamut AML/KYC-imi suleriaatsit malillugit pissarsiarineqartut. Tassunga atatillugu paassisutissanut kontomik piginnittup najugaqarfianik ersersitsisunut ilaapput sumiiffik nalunaarsorneqarfik imaluunniit aaqqissugaaffiusoq imaluunniit nunami allami imaluunniit Savalimmuni imaluunniit Danmarkimi inatsisitigut oqartussaaffiusumi najugaqarneq.
- 2) paassisutissat paasinarsisippassuk kontomik piginnittooq inatsisitigut oqartussaaffimmi peqataasumi

najugaqartoq, aningaaseriviup nalunaaruteqartup konto kontotut nalunaarutigineqartussaasusut suliarissavaa, kontomik piginnittumiit nammeneq nalunaarummik pissarsiniartoqanngippat imaluunniit paassisutissat pigineqartut imaluunniit pisortatigut pissarsiarineqarsinnaasut tunngavigalugit Inuk nalunaarutigineqartussaq kontomik piginnittuunngitsutut naammaginartumik aalajangersaasoqarsinnaanngippat.

§ 87. Immikkoortortami kontomik pioereersumik kontomik piginnittoq eqqarsaatigalugu, tassunga ilanngullugu immikkoortortaq inuusoq imaluunniit nunami allami, Savalimmiuni imaluunniit Danmarkimi inuttut nalunaarutigineqartussaq, aningaaseriviup nalunaaruteqartup aalajangissavaa kontomik piginnittoq NFE ingerlanngitsuunersoq inummik nakkutilliisilik ataatsimik arlalinnilluunniit, aamma aalajangiiffagalugu inuit taamatut nakkutilliisut sumi najugaqarnersut. NFE ingerlanngitsumi inuit nakkutilliisut arlaat inuuppat nalunaarutigineqartussaq kontot kontotut nalunaarutigineqartussaasutut suliarineqassaaq.

Imm. 2. Imm. 1 malillugu aalajangiinerni aningaaserivik nalunaaruteqartoq pissutsit malillugit naleqqunnerpaaq malillugu tulleriaaranilu imatut misissuissaaq:

- 1) kontomik piginnittoq NFE ingerlanngitsuunersoq aalajangernissa siunertaralugu taamatut inisisimaneq aalajangerniarlugu kontomik piginnittumiit nammeneq nalunaarummik aningaaserivik nalunaaruteqartoq pissarsiniassaaq, paassisutissanik pigisaqanngikkuni, imaluunniit pisortat paassisutissaataat pissarsiarineqarsinnaasut pigineqarpata, taakkunannga naammaginartumik aalajangerneqarsinnaalluni kontomik piginnittoq NFE sulisunersoq imaluunniit § 8, imm. 1, nr. 2-mi allaaserineqartutut aningaasalersuisarfimmit allaaneruseumik aningaaseriviunersoq alla, inatsisitigut oqartussaaffimm peqataasumi aningaaseriviunani.
- 2) kontomik piginnittup Inuit nakkutilliisui aalajangernissa siunertaralugu aningaaseriviup nalunaaruteqartup AML/KYC-imi suleriaatsit malillugit paassisutissat katarsorneqartut toqqortarineqartullu tunngavigisinnaavai.
- 3) NFE ingerlanngitsumi inuk nakkutilliisoq sumi najugaqarnerani aalajangiinissa siunertaralugu aningaaseriviup nalunaaruteqartup uku tunngavigisinnaavai:
 - a) NFE-mit ataatsimit imaluunniit amerlanernit pigineqartoq immikkoortortami konto pioereersoq eqqarsaatigalugu AML/KYC-imi suleriaatsit malillugit paassisutissat katarsorneqartut toqqortarineqartullu 6,83 mio. kr.-t sinneragut ataatsimut uninngasuuteqartoq imaluunniit naleqartoq, imaluunniit
 - b) inuup nakkutilliisup inatsisini oqartussaaffimm imaluunniit inatsisitigut oqartussaaffinni akileraartarnikkut sumi najugaqarnera pillugu kontomik piginnittumiit imaluunniit inummit taamatut nakkutilliisumiit nammeneq nalunaarut.

§ 88. Ulloq 31. december 2015-imi 1,71 mio. kr.-it sinnerlugit ataatsimik kontomiittoqarneranik imaluunniit nalilinnik peqarneranik immikkoortortap kontoonik pioereersumik misissuineq kingusinnerpaamik ulloq 31. december 2017-imi naammassisimassaaq.

§ 89. Ulloq 31. december 2015-imi 1,71 mio. kr.-it sinneragut ataatsimik kontomiittoqarneranik imaluunniit nalilinnik peqarneranik immikkoortortap kontoonik pioereersumik, kisianni ukiumi tulliuttumi ulloq 31. decembarimi aningaasanik taakkuningga sippuismik misissuineq kontomiittut tamarmiusut

imaluunniit nalingi aningaasanik taakkuninnga sippuiffianni ukiup kingorna ukiup ingerlanerani naammassineqarsimassaaq.

§ 90. Immikkoortortap kontoa pioreersoq eqqarsaatigalugu pissutsini allanngortoqarpat tamatuma kingunerisaanik nammineq nalunaarut imaluunniit kontomut atasoq uppernarsaat alla kukkusuuusoq imaluunniit tatiginartuunngitsoq aningaaserivik nalunaaruteqartoq paasisaqarpat imaluunniit tunngavissaqartoq paasisaqarpat, aningaaseriviup nalunaaruteqartup §§ 85-87-imi eqqartorneqartut suleriaatsit malillugit kontop killiffia allanngortissavaa.

Kapitali 7

Immikkoortortami kontot nuuat pillugu peqqissaartumik periuseqarneq

§ 91. Immikkoortortami kontot nutaat eqqarsaatigalugit §§ 92 aamma 93-imi misissuinermi suleriaatsit aningaaserivimmit nalunaaruteqartumit atorneqassapput.

§ 92. Immikkoortortaq tassa inuunersoq nalunaarutigineqartussaq aalajangernissaa siunertaralugu misissuinerik ukuninnga aningaaserivik nalunaaruteqartoq ingerlataqassaaq:

- 1) nammineq nalunaarummik pissarsiniarneq, kontomik pilersitsinermut uppernarsaammut ilaasinnaasooq aamma kontomik piginnittup akileraartarnikkut najugaqarfianik imaluunniit najugaqarfiinik aalajangersaanissamut aningaaserivimmut nalunaaruteqartumut pisinnaalersitsisoq aamma kontomik pilersitsinermut atatillugu aningaaserivimmit nalunaaruteqartumit pissarsiarineqartut paasissutissat tunngavigalugit taamatut nalunaarutip naammaginartuuneranik uppernarsaasoq, tassunga ilanngullugit AML/KYC-imi suleriaatsit malillugit uppernarsaatinik pissarsiniarneq. Immikkoortortaq nalunaaruteqarpat akileraartarnikkut najugaqarfeqarnani, kontomik piginnittup najugaqarfia aalajangerniarlugu immikkoortortap qullersaqarfiata najugaqarfianik aningaaserivik nalunaaruteqartoq tunngaveqarsinnaavoq.
- 2) nammineq nalunaarutip ersersippagu kontomik piginnittoq inatsisitigut oqartussaaffimmieq peqataasumi najugaqartoq, konto kontotut nalunaarutigineqartussaasutut aningaaserivimmit nalunaaruteqartumit suliarineqassaaq, paasissutissat tassani pigneqartut, imaluunniit pisortanit pissarsiarineqarsinnaasut tunngavigalugit, inatsisitigut oqartussaaffimmieq peqataasumut naleqqiullugu, kontomik piginnittoq tassaannngitsoq inuk nalunaarutigineqartussaq naammaginartumik aalajangiiffigineqarsinnaanngippat.

§ 93. Immikkoortortami kontomik nutaamik piginnittoq eqqarsaatigalugu, tassunga ilanngullugu immikkoortortaq inuusoq nalunaarutigineqartussaq imaluunniit nunami allami, Savalimmiuni imaluunniit Danmarkimi Inuk, kontomik piginnittoq tassaasoq NFE ingerlanngitsoq ataatsimik arlalinngilluunniit Inunniq nakkutilliisoqartoq pillugu aningaaserivik nalunaaruteqartoq aalajangiissaq aamma inuit taamatut nakkutilliisut najugaqartuunersut aalajangiiffigalugu. NFE ingerlanngitsumi inuit nakkutilliisut arlaat inuuppat nalunaarutigineqartussaq kontot kontotut nalunaarutigineqartussaasutut suliarineqassaaq. Aalajangiinerni aningaaserivik nalunaaruteqartoq pissutsit malillugit naleqqunnerpaanera malillugu tulleriaanilu imatut misissuissaq:

- 1) kontomik piginnittoq NFE ingerlanngitsuunersoq aalajangernissaa siunertaralugu taamatut inissisimaneq aalajangerniarlugu kontomik piginnittumiit nammineq nalunaarummik aningaaserivik

nalunaaruteqartoq pissarsiniassaaq, paassisutissanik pigisaqanngikkuni, imaluunniit pisortat paasisutissaataat pissarsiarineqarsinnaasut pigineqarpata, taakkunannga naammaginartumik aalajangerneqarsinnaalluni kontomik piginnittoo NFE sulisunersoq imaluunniit § 8, imm. 1, nr. 2-mi allaaserineqartutut aningaasalersuisarfimmit allaanerumsumik aningaaseriviunersoq alla, inatsisitigut oqartussaaffimiq peqataasumi aningaaseriviunani.

2) kontomik piginnittup inuit nakkutilliisui aalajangernissaat siunertaralugu aningaaseriviup nalunaaruteqartup AML/KYC-imi suleriaatsit malillugit paasisutissat katersorneqartut toqqortarineqartullu tunngavigisinnaavai.

3) NFE ingerlanngitsumi Inuk nakkutilliisoq sumi najugaqarnerani aalajangiinissaq siunertaralugu kontomik piginnittumiit imaluunniit inummit nakkutillisumiit nammineq nalunaarummik aningaaserivik nalunaaruteqartoq tunngaveqassaaq.

Imm. 2. NFE ingerlanngitsumi inuit nakkutilliisut arlaat tassaappat inuk nalunaarutigineqartussaq konto kontotut nalunaarutigineqartussatut suliarineqassaaq.

Kapitali 8

Peqqissaartumik periuseqarneq pillugu immikkut maleruagassat

§ 94. Nammineq nalunaarut imaluunniit uppernarsaatitut allagartaq kukkusuuusoq imaluunniit tatiginartuunngitsoq aningaaserivik nalunaaruteqartoq ilisimasaqarpat imaluunniit tunngavissaqartumik ilisimasaqarpat aningaaserivik nalunaaruteqartoq nammineq nalunaarummik imaluunniit uppernarsaanermut allagartamik tunngaveqassanngilaq.

§ 95. Aningaasanik nalilinnik sillimmasiineq pillugu isumaqatigiissummi imaluunniit taarsigassarsiat assigiaartumik taarsorsorneqarnissaannik isumaqatigiissummi iluaquserneqartunit inunnit pigineqartut aamma aningaasanik nalilinnik sillimmasiineq pillugu eqimattanut isumaqatigiissutinut imaluunniit taarsigassarsiat assigiaartumik taarsorsorneqarnissaannik eqimattanut isumaqatigiissutinut aningaaserivimmi kontot pilligit §§ 96 aamma 97-imi suleriaatsit allat aningaaserivimmit nalunaaruteqartumit atorneqarsinnaapput.

§ 96. Aningaasanik nalilinnik sillimmasiineq pillugu isumaqatigiissummik imaluunniit taarsigassarsiat assigiaartumik taarsorsorneqarnissaannik isumaqatigiissummik iluaquserneqartunik piginnittoo eqqaassanngikkaanni aningaaserivik nalunaaruteqartoq isumaqarsinnaavoq inuk, aamma toqusoqarnerani aningaasanik tigusisuusoq tassaanngitsoq inuk nunami allamiittoo, Savalimmiuniittoo imaluunniit Danmarkimiittoo aamma aningaaserivimmi konto taamatut ittoq kontotut nalunaarutigineqartussaanngitsutut suliarisinnaallugu, iluaquserneqartoq tassaasoq inuk nunami allamiittoo, Savalimmiuniittoo imaluunniit Danmarkimiittoo aningaaserivik nalunaaruteqartoq maannakkut ilisimasaqanngippat imaluunniit ilisimasaqassalluni tunngavissaqarpat.

Imm. 2. Paasisutissat aningaaserivimmit nalunaaruteqartumit katersorneqartut aamma iluaquserneqartumut atassuteqartut §§ 62-67-imi allaaserineqartutut nunami allami, Savalimmiuni imaluunniit Danmarkimi najugaqartuusumut pasinartuuneranik imaqpata, aningaasanik nalilinnik sillimmasiineq pillugu isumaqatigiissummik imaluunniit taarsigassarsiat assigiaartumik taarsorsorneqarnissaannik isumaqatigiissummik iluaquserneqartoq tassaasoq inuk nunami allami,

Savalimmiuni imaluunniit Danmarkimi najugaqartuusoq pillugu tunngaveqartumik aningaaserivik nalunaaruteqartoq ilisimasaqassaaq.

Imm. 3. Iluaquserneqartoq tassaasoq inuk nalunaarutigineqartussaq aningaaserivik nalunaaruteqartoq maannakkut ilisimasaqarpat imaluunniit ilisimasaqassalluni tunngavissaqarpat §§ 62-67-imi suleriaatsit malillugit aningaaserivik nalunaaruteqartoq nalunaaruteqassaaq.

§ 97. Aningaaseriviup nalunaaruteqartup ilaasortap aningaasanik nalilinnik sillimmasiineq pillugu eqimattanut isumaqatigiissummi imaluunniit taarsigassarsiat assigiaartumik taarsorsorneqarnissaannik eqimattanut isumaqatigiissummi piginneqataassutai aningaaserivimmi kontotut nalunaarutigineqartussaanngitsutut suliarisinnaavaa, aningaasat sulisitsisumut imaluunniit uppernarsaammut piginnittumut imaluunniit iluaquserneqartumut ullormi tunniunneqarnissaasa tungaannut, aningaaserivimmi konto ilaasortap aningaasanik nalilinnik sillimmasiineq pillugu eqimattanut isumaqatigiissummi imaluunniit taarsigassarsiat assigiaartumik taarsorsorneqarnissaannik eqimattanut isumaqatigiissummi piginneqataassutai piumasaqaatinik makkuninnga naammassinnippat:

- 1) aningaasanik nalilinnik sillimmasiineq pillugu eqimattanut isumaqatigiissut imaluunniit taarsigassarsiat assigiaartumik taarsorsorneqarnissaannik eqimattanut isumaqatigiissut sulisitsisumut atugassanngortinnejqarsimappat aamma sulisitsisunut imaluunniit uppernarsaammik piginnittunut 25-nut amerlanernulluunniit tunngasuuppat,
- 2) sulisitsisut imaluunniit uppernarsaammik piginnittut piginneqataassutiminut tunngasunik isumaqatigiissummi nalilinnik tigusinissamut pisinnaatitaappata aamma sulisitsisup toqunerani akiliutinik tigusisussamik iluaquserneqartussamik toqqaasinnaallutik, aamma
- 3) aningaasat tamarmiusut sulisitsisumut imaluunniit uppernarsaammik piginnittumut imaluunniit iluaquserneqartumut tunniunneqartussat 6,83 mio. kr.-it sinnersimanngippagut.

Imm. 2. Oqariartaaseq "ningaasanik nalilinnik sillimmasiineq pillugu eqimattanut isumaqatigiissut" isumaqarpoq aningaasanik nalilik sillimmasiinermi isumaqatigiissut

- 1) sulisitsisoq, inuussutissarsiornermi suleqatigiiffik, suliatigut kattuffik imaluunniit kattuffik eqimattalluunniit allat aqqutigalugu atassuteqartumut inunnut ataasiakkaanut matussusiisoq, aamma
- 2) eqimattani ilaasortanut ataasiakkaanut tamanut imaluunniit eqimattat iluanni immikkoortumi ilaasortamut inuit ataasiakkaat peqqissutsikkut qanoq ittuunerri eqqarsaatiginagit aalajangersarneqarsimasunut akiliutissanik akileeqqusisarluni, eqimattami ilaasortap eqimattami immikkoortumi ilaasortap ukiuni, suaassusaa pujortartarneralu ilanngunnagit.

Imm. 3. Oqariartaaseq "taarsigassarsiat assigiaartumik taarsorsorneqarnissaannik eqimattanut isumaqatigiissut" isumaqarpoq taarsigassarsiat assigiaartumik taarsorsorneqarnissaannik isumaqatigiissut, pissarisussat tassaallutik inuit ataasiakkaat sulisitsisoq, inuussutissarsiornermi suleqatigiiffik, suliatigut kattuffik imaluunniit kattuffik eqimattalluunniit allat aqqutigalugu atassuteqartoq.

§ 98. Inummit pigineqartut aningaaserivimmi kontoni ataatsimut uninngasuutit imaluunniit nalinginik aalajangersaanissaq siunertalarugu aningaaserivimmi nalunaaruteqartumi imaluunniit tassunga atasumi immikkoortortami allanneqarsimasut aningaaserivimmi kontot tamaasa katinneqarnissaannut aningaaserivik nalunaaruteqartoq pisussaaffeqarpoq, taamaattorli taamaallaat aningaaserivimmi kontonut pineqartunut aningaaseriviup nalunaaruteqartup qarasaasiaata nalunaarsukkatut ataatsimut

inississinnaappagit soorlu assersuutigalugu sullitap normuanut imaluunniit akileraartartup normuanut aamma kontomiittut imaluunniit nalingi katinneqarsinnaappata.

Imm. 2. Aningaaserivimmi kontomik, ataatsimoorluni pigineqartumik, piginnittut ataasiakkaat tamarmik, immikkoortumi tassani allaaserineqartut katinnissaannut pisussaaffit atornerisigut aningaaserivimmi kontomi ataatsimoorussanik uninngasuutit imaluunniit nalingi tamaasa pigissavaat.

§ 99. Immikkoortortamit pigineqartut aningaaserivimmi kontoni uninngasuutit imaluunniit nalinginik aalajangersaanissaq siunertaralugu aningaaserivimmi nalunaaruteqartumi imaluunniit tassunga atasumi immikkoortortami allanneqarsimasut aningaaserivimmi kontot tamaasa katinneqarnissaannut aningaaserivik nalunaaruteqartoq pisussaaffeqarpoq, taamaattorli taamaallaat aningaaserivimmi kontonut pineqartunut aningaaseriviup nalunaaruteqartup qarasaasiaata nalunaarsukkatut ataatsimut inississinnaappagit soorlu assersuutigalugu sullitap normuanut imaluunniit akileraartartup normuanut aamma kontomiittut imaluunniit nalingi katinneqarsinnaappaata.

Imm. 2. Aningaaserivimmi kontomik, ataatsimoorluni pigineqartumik, piginnittut ataasiakkaat tamarmik, kapitali uani allaaserineqartut katinnissaannut pisussaaffit atornerisigut aningaaserivimmi kontomi ataatsimoorussanik uninngasuutit imaluunniit nalingi tamaasa pigissavaat.

§ 100. Aningaaserivimmi konto, inummit tassannga toqqaannartumik imaluunniit toqqaannanngitsumik pigineqartoq, nakkutigineqartoq imaluunniit pilersinneqarsimasoq sullitanut akisussaasup ilisimasaqarfigisaa imaluunniit tunngavissaqartumik ilisimasaqarfigisaa eqqarsaatigalugu, inuup tatigisaasunera eqqaassanngikkaanni, aningaaserivimmi konto qaffasissumik naleqartutut kontoneersoq pillugu aalajangiiffiginarlugu, aningaaserivimmi kontoni uninngasuutit tamarmiusut imaluunniit nalingisa aalajangiiffiginissaat siunertaralugu, kontot taamatut ittut tamaasa katinneqarnissaannut aningaaserivik nalunaaruteqartoq pisussaaffeqarpoq.

§ 101. Aningaasat nunat allat aningaasaanni allani taamaaqataanik aningaasatigut annertussuseqartutut isigineqarput. Danskit koruuniinut aningaasat tamarmik paasineqassappat aningaaseriviup uninngasuutinik imaluunniit nalinik aalajangiiffiani ukiumi ullormi kingullermi aningaasat nalingisa tamanut saqqummiunneqarnerini atorneqartut nunat allat aningaasaanni taamaaqataanik aningaasatigut annertussutsit ilaasut.

Imm. 2. Danskit koruuniini aningaasanut killiliussanut periarfissatut allatut aningaasanut killiliussat USD-imu uku atorneqarnissaat aningaaseriviit toqqarsinnaavaat, tassa imm. 1 nunat allat aningaasaasa USD-imut naatsorsornerannut taamaaqataanik atorneqassalluni:

- 1) 341.000 kr.-inut taarsiullugu 50.000 USD-it atorneqassapput.
- 2) 1,71 mio. kr.-inut taarsiullugu 250.000 USD-it atorneqassapput.
- 3) 6,83 mio. kr.-inut taarsiullugu 1 mio. USD-it atorneqassapput.

Kapitali 9

Nalunaaruteqarneq

§ 102. §§ 103-105-imiittut nangaassutigalugit aningaaserivinni nalunaaruteqartuni taamatut ittuni kontot nalunaarutigineqartussaasut tamaasa pillugit paassisutissanik makkuninnga aningaaserivik

nalunaaruteqartoq Akileraartarnermut Aqutsisoqarfimmut nalunaaruteqassaaq:

1) ateq, najugaq, inatsisitigut oqartussaaffik imaluunniit inatsisitigut oqartussaaffit pineqartup najugaqarfigisaatut isigineqartut, danskisut cpr- imaluunniit GER-normu aamma nunani allani Akileraartartutut normu imaluunniit nunani allani akileraartartutut normut kiisalu ulloq inuuffik sumilu inunngorneq, Inuit nalunaarutigineqartussat eqqarsaatigalugit, aamma kontomik piginnittuusut aamma immikkoortortaq kontomik piginnittuusoq eqqarsaatigalugu, aamma kapitali 6-8 naapertorlugit naleqquttumik peqqissaarnissamut suleriaatsit malillugit inummit nalunaarutigineqartussamik ataatsimik arlalinilliunniit nakkutigineqartutut paasineqartoq, ateq, najugaq, inatsisitigut oqartussaaffik imaluunniit inatsisitigut oqartussaaffit pineqartup najugaqarfigisaatut isigineqartut, immaqalu pineqartup najugaqarfigisaatut isigisami ateq, najugaq, inatsisitigut oqartussaaffik imaluunniit inatsisitigut oqartussaaffit danskisut cpr- imaluunniit GER-normu aamma nunani allani immikkoortutut akileraartartutut normu imaluunniit nunani allani akileraartartutut normut aamma ateq, najugaq, inatsisitigut oqartussaaffik imaluunniit inatsisitigut oqartussaaffit pineqartup najugaqarfigisaatut isigineqartut, aamma danskisut cpr- imaluunniit GER-normu aamma nunani allani akileraartartutut normu imaluunniit nunani allani akileraartartutut normu kiisalu inuit tamarmik nalunaarutigineqartussat ullut inuuffi sumilu inunngorneri nalunaarutigineqassapput.

2) kontonormu, imaluunniit piviusumik tassunga naapertuuttoq, konto normoqanngippat.

3) aningaaseriviup nalunaaruteqartup aqqa aamma cvr- imaluunniit GER-normu.

4) aningaasanik nalilinnik sillimmasiineq pillugu isumaqtigiissut imaluunniit taarsigassarsiat assigiaartumik taarsorsorneqarnissaannik isumaqtigiissut eqqarsaatigalugit kontomi uninngasuutit killiffi imaluunniit nalingi, aningaasat nalingi imaluunniit utertitsilluni pisinerup nalinga, ukiup naleqqutup naanerani, imaluunniit, konto ukiup taamaattup imaluunniit piffissap taamatut ittup ingerlanera matuneqarsimappat, konto matuneqarnera.

5) aqtsinermi konto eqqarsaatigalugu:

a) ernianit aningaasat tamarmiusut, iluanaarutinik aningaasat tamarmiusut aamma konto uninngasuutit pigisat nalillit eqqarsaatigalugit taakkunanna isertitat allat aningaasat tamarmiusut, pisuni ataasiakkaani ukiup ingerlanerani kontomut imaluunniit konto eqqarsaatigalugu akilerneqarsimasut imaluunniit tutsinneqarsimasut.

b) tunisinermi iluanaarutit tamarmiusut imaluunniit aningaasatigut pigisat aningaasanngortinneri, ukiup ingerlanerani kontomut akilerneqarsimasut imaluunniit tutsinneqarsimasut, aningaaserivik nalunaaruteqartoq toqqorsivittut, akunnermiliuttutut, aqtsisutut imaluunniit allatut kontomik piginnittumit piginnaatitaalluni.

6) aningaasaliinermi konto eqqarsaatigalugu ukiup ingerlanerani erniat tamarmiusut kontomut akilerneqarsimasut imaluunniit tutsinneqarsimasut.

7) Nr. 5 aamma 6-imi allaaserineqanngitsoq konto eqqarsaatigalugu aningaaseriviup nalunaaruteqartup akiliinissamut imaluunniit akiitsut akilerneqarnerannik upernarsaanissamut pisussaaffigisaani ukiup imaluunniit piffissap nalunaaruteqarfiusussap allap ingerlanerani konto eqqarsaatigalugu kontomik piginnittumut aningaasat akilerneqartut imaluunniit akiitsut akilerneqarnerannik upernarsarneqartut, tassunga ilanggullugit ukiup ingerlanerani kontomik piginnittumut aningaasanngorlugit akilerneqartut aningaasat tamarmiusut.

Imm. 2. Aningaaserivik nalunaaruteqartoq ukiup ingerlanerani kontonik nalunaarutigineqartussaasunik peqanngippat tamanna pillugu Akileraartarnermut Aqutsisoqarfimmut paasissutissiisoqassaaq.

Imm. 3. Paasissutissat nalunaarutigineqartut nunap aningaasaanut taaneqartumut suussuserneqassapput.

§ 103. Kontot nalunaaruteqartussaasut tassaasut kontot pioreersut suulluunniit imaluunniit aningaaserivimmi konto, kontotut nalunaarutigineqartussaasut ammarneqarnissaat sioqqullugu eqqarsaatigalugit, § 102, imm. 1, nr. 1 apeqqutaatinnagu, akileraartartup normua imaluunniit normui imaluunniit ulloq inuuffik aningaaseriviup nalunaaruteqartup suliani allagaataanut ilaangnippat aamma Kalaallit Nunaanni inatsisit naapertorlugit aningaaserivinnut nalunaaruteqartunut taamatut ittunit katersorneqanngippata akileraartartup normua imaluunniit normui nalunaarutigineqarnissaat piumasarineqanngilaq.

Imm. 2. Kontot pioreersut kontotut nalunaarutigineqartussaasut paasineqarnerini ukiup kingorna ukiup naanerani kontot pioreersut pillugit akileraartartutut normumik imaluunniit normunik pissarsiniarnissamut naammaginartumik iliuuseqarnissamut aningaaserivik nalunaaruteqartoq taamaattoq pisussaaffeqarpoq.

§ 104. § 102, imm. 1, nr. 1 apeqqutaatinnagu, inuup pineqartup najugaqarfingisaani inatsisitigut oqartussaaffik peqataasoq akileraartartumut normumik atulersitsisimangnippat akileraartartup normu nalunaarutigineqassanngilaq.

§ 105. § 102, imm. 1, nr. 1 apeqqutaatinnagu, sumi inunngorneq nalunaarutigineqassanngilaq, imaassimannngippat

- 1) aningaaserivik nalunaarutigineqartoq allatut pisussaaffeqarpat Kalaallit Nunaanni inatsisit malillugit pissarsiniarnissaminut nalunaarutiginninnissaminullu pisussaaffeqarpat aamma
- 2) aningaaserivimmit nalunaaruteqartumit toqqortarineqartumik nalunaarsukkat elektroniskimik ujaasiffingeqarsinnaasut akornanni pissarsiassaappat.

§ 106. Inuit, nalunaarutigineqartussat, aamma immikkoortortat inunnik nalunaarutigineqartussanik inunnik nakkutilliisullit, nalunaaruteqarnermi atugassanik § 102, imm. 1, nr. 1-imi eqqaaneqartut paasissutissat paasissutissiissutigissavaat, taamaattorli tak. § 104.

Imm. 2. Danskisut cpr, cvr imaluunniit GER-normu eqqarsaatigalugit siulliulluni cpr-normu paasissutissiissutigineqassaaq. Pineqartoq cpr-normoqanngippat, kisiannili GER-normoqarluni, GER-normu paasissutissiissutigineqassaaq. Pineqartoq cpr imaluunniit GER-normoqanngippat cvr-normu paasissutissiissutigineqassaaq. Pineqartoq aamma cvr-normoqanngippat taarsiullugu ulloq inuuffik paasissutissiissutigineqassaaq.

Imm. 3. Ingerlatseqatigififit, aningaasaateqarfit, peqatigiififit, toqusut pigisai assigisaalu cpr-normoqanngitsut, cvr-normoqanngitsut, GER-normoqanngitsut imaluunniit nunami allami akileraartartutut normoqanngitsut siulittaasoq imaluunniit inuk alla immikkoortortaq imaluunniit inuk nalunaarutigineqartussaq sinnerlugu iliuuseqarsinnaatitaasoq pillugu kinaassusaa pillugu paasissutissat tunniunneqassapput.

Imm. 4. Aningaaserivimmi kontomik nalunaarutigineqartussaasumik ammaanermi kina pillugu nalunaaruteqartussaanersoq paasineqanngippat inatsisitigut pissutsinik pilersitsisimasoq nalunaaruteqartussaatitaasoq pillugu imm. 1-3-mi paasissutissat tunniunneqassapput. Kina

nalunaarutigineqartussaasoq paasineqarpat taanna pillugu kinaassuseq pillugu paassisutissat pillugit nalunaaruteqartoqassaaq.

Imm. 5. Pisussaasup nalunaarutigineqartussap allannguinerup kingorna qaammatip ataatsip iluani kinaassuseq pillugu paassisutissani tunniunneqartuni allannguineq pillugu nalunaaruteqartussaasoq nalunaaruteqassaaq.

Imm. 6. Kinaassuseq pillugu paassisutissanik tunniussineq pisariaqartunik kinaassutsimik uppermarsaatit takutinneqassapput.

§ 107. Nalunaarummut tunngasumi ukiup kingorna kingusinnerpaamik ulloq 1. maajimi nalunaaruteqartoqassaaq. Maajip aallaqqaataa arfinningorneruppat, sapaatiuppat nalliuutuuppat piffissaliussaq tassaassaaq ulloq nalinginnaasoq tulliuttoq qaninneq.

Kapitali 10

Avaqqussineq

§ 108. Kontotut nalunaarutigineqartussaasutut suussusersineqarsimannginneranik, imaluunniit konto pillugu eqqortumik nalunaaruteqartoqarsimanngippat, tassunga ilanngullugu inummut nalunaarutigineqartussamut tunngatillugu eqqortumik nalunaaruteqartoqarsimannginnera taamaallaat imaluunniit annertuitigut siunertaqartumik iliuuseqartoqarsimappat imaluunniit avaqqussisoqarsimappat, kontot nalunaarutigineqartussaasut suussusernerinut suleriaatsit naammassineqarnerini aamma nalunaaruteqarnermi iliuutsit imaluunniit avaqqussinerit taakku pisimannginnerisut iliuuseqartoqassaaq.

Kapitali 11

Atuutilersinneqarnera

§ 109. Nalunaarut ulloq 1. september 2017-imi atuutilissaaq.

Imm. 2. Kapitali 9 malillugu nalunaarutiginninneq qaammatisiutit ukiuannut 2016-imut qaammatisiutillu ukiuannut kingusinnerusumut tunngatillugu pissaaq. Qaammatisiutit ukiuanni 2016-imti nalunaarutiginninneq pissaaq kingusinnerpaamik ulloq 15. september 2017.

Kalaallit Nunaanni Namminersorlutik Oqartussat ulloq 30. august 2017.

Aqqaluaq B. Egede

/

Nikolai Sten Christensen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut